



番書



伊8
1935
66



U8
1735
66



晉書十四

志第四

地理上

總敘 司州 兖州 豫州 冀州 幽州 平州 并州 雍州
涼州 秦州 梁州 益州 寧州

昔者元胎無象太素流形對越在天以為元首則記所謂冬居營窟夏居橧巢飲血茹毛未有麻絲者也及燧人鑽火庖犧出震風宗下武炎胤昌基畫野無聞其歸一揆黃帝則東海南江登空躡岱至於崑峰振轡風山訪道存諸汗竹不可厚誣高陽任地依神帝嚳順天行義東踰蟠木西濟流沙北至幽陵南撫交趾日月所經舟車所至莫匪王臣不踰茲域帝堯時禹平水土以為九州虞舜登庸厥功彌劭表提類而分區宇判山河而考疆域冀北創并部之名燕齊起幽營之號則書所謂肇十有二州封十有二山者也夏功在于唐堯殷因無所損益周武克商自豐徂鎬至成王時



所購以贈
山諸田
月八年
冊同八



魏州
氏書

改作禹貢徐梁入於青雍冀野析於幽并職方掌天下之土以周厥利保章辯九州之野皆有分星東南曰揚州正南曰荊州河南曰豫州正東曰青州河東曰兗州正西曰雍州東北曰幽州河內曰冀州正北曰并州始皇初并天下懲忒戰國削罷列侯分天下為三十六郡三州河南陽南郡九江郡會稽潁川碭郡泗水薛郡東郡瑯邪齊郡上西北地漢中巴郡蜀郡黔中長沙凡三十五郡與內史為三十六郡也於是興師踰江平取百越又置閩中南海桂林象郡凡四十郡郡一守焉其地則西臨洮而北沙漠東縈西帶皆臨大海漢祖龍興革秦之弊分內史為三部更置郡國二十有三桂陽江夏豫章河內魏郡東海楚國平原梁國定襄泰山汝南淮陽于乘東萊燕國清河信都常山中山渤海廣漢涿郡合二十三也三內史者河上渭南中地也地理志曰高祖增二十六武帝改河上渭南中地以為京兆馮翊扶風是為三輔也文增厥九廣平城陽淄川濟南膠西膠東河間廬江衡山武帝改衡山曰六安景加其四濟北濟陰山陽北海也宣改濟北曰東平武帝開越攘胡初置十七南海蒼梧鬱林合浦交趾九真日南珠崖儋耳九郡平西南夷置犍牂越雋沈黎汶山犍為益州六郡西置武都郡又分立零陵郡合十七郡拓土分疆又增十四弘農臨淮西河朔方酒泉陳留安定天水玄菟樂浪

廣陵敦煌昭帝少事又增其一金城也至平帝元始二年凡新置郡國七十有一與秦四十合一百一十有宋本無有字一改雍曰涼改梁曰益又

置徐州復舊號南置交趾北有朔方凡為十三部涼益荆楊青豫兗徐幽并冀十一州

光武投戈之歲在彫耗之辰郡國蕭條并省者八城陽淄川高密膠東六安真定泗水廣陽建武十一年省州牧復為刺史負十三人各掌一州明帝

置一永昌也章帝置二任城吳郡和順改作其名有九和置濟北廣陽順改淮陽為陳改楚為彭城濟東為東平臨淮為下

而郡國百有八焉省前漢八分置五改舊名七桓靈頗增於前復置六郡并部

魏武定霸王鼎立生靈版蕩關洛荒蕪所置者十二新興靈南安都陽廬陵西平新平略陽陰平帶方所省者七上郡朔方五原雲中定襄漁陽廬江而文帝置七朝歌陽平弋陽魏興新城義陽

明及少帝增二明上庸也得漢郡者五十四焉蜀先主於漢建安之間初置郡九巴東巴西梓潼江陽汶山漢嘉朱提宕渠涪陵後主增二雲南得漢郡者十有一焉吳

至大皇帝初置郡五

臨賀武昌珠崖新安廬陵南部

少帝景帝各四

少臨川臨海衡陽湘東景天門建安建平合浦北部

歸命侯亦置十有二郡

始安始興邵陵安成新昌武平九德吳興東陽桂林榮陽宜都

得漢郡者十有八焉晉

武帝太康元年既平孫氏凡增置郡國二十有二

崇陽上洛頓丘臨淮東莞襄城汝陰長廣廣寧

昌黎新野隨郡陰平義陽毗陵宣城南康晉安寧浦始平略陽樂平南平

省司隸置司州別立梁秦寧平四州仍吳

之廣州凡十九州

司冀兗豫荆徐揚青幽平并雍涼秦梁益寧交廣州

郡國一百七十三

仍吳所置二十五仍蜀新置十一仍魏所

置二十一仍漢舊以為冠帶之國盡有殷周之土若乃敦龐於天地之

始昭晰於犧農之世用長黎元未爭疆場而玉環楛矢夷裘風駕

南翬表貺東風入律光乎上德奚遠弗臻然則星象麗天山河紀

地端掖裁其弘敞嶠函判其都邑仰觀俯察萬物攸歸是以洛汜

咸陽宛然秦漢晉濱河西同知堯禹于茲新邑宅是鎬京五尺童

子皆能口誦者史官弗之書也管庖犧氏生於成紀而為天子都

於陳神農氏都陳而別營于曲阜黃帝生於壽丘而都於涿鹿少

昊始自窮桑而遷都曲阜顓頊始自窮桑而徙邑商丘高辛即號

建都于亳孫卿子曰不登高山不知天之高不臨深谿不知地之

厚也大哉坤象萬物資生載崑華而不墜傾河海而寧泄考卜惟

王乘飛駐軫睨嶢山而鐫勒覽曾城以為翫時逢稽浸道接陵夷

平王東遷星離豆剖當塗馭寓瓜分鼎立世祖武皇帝接千祀之

餘當八堯之禪先王桑梓罄宇來歸斯固可得而言者矣惠皇不

虞中州盡棄永嘉南度綸行建鄴九分天下而有二焉

管大禹觀於濁河而受綠字寰瀛之內可得而言也天有七星地

有七表天有四維地有四瀆八紘之外名為八極地不足東南天

不足西北八極之廣東西二億三萬一千三百里南北二億三萬

一千三百里自地至天半八極之數自下亦如之昔黃帝令豎亥

步自東極至于西極五億十萬九千八百八步史臣按凡周天積

百七萬九百一十三里徑三十五萬六千九百七十里所謂南北
爲經東西爲緯天有十二次日月之所躔地有十二辰王侯之所
國也或因生得姓因功命土祁酉燕齊在乎茲域昔黃帝旁行天
下方制萬里得百里之國萬區則周易所謂首出庶物萬國咸寧
者也咎在帝堯叶和萬邦制八家爲鄰三鄰爲朋三朋爲里五里
爲邑十邑爲都十都爲師州十有二師焉夏后氏東漸于海西被
于流沙南浮于江而朔南暨聲教窮豎亥所步莫不率俾會羣臣
於塗山執玉帛者萬國於是九州之內作爲五服天子之國內五
百里甸服百里賦納總二百里納銓三百里納秸服四百里粟五
百里米甸服外五百里侯服百里采二百里任三百里侯侯服外
五百里綏服三百里揆文教二百里奮武衛綏服外五百里要服
三百里夷二百里蔡要服外五百里荒服三百里蠻二百里流訖

于四海弼成五服五服至于五千里夏德中微遇有窮之亂少康
中興不失舊物自孔甲之後以至于桀諸侯相兼其能存者三千
餘國方於塗山十損其七矣成湯敗桀於焦還鼎於亳伊摯仲虺
之徒大明憲典王者之制爵祿公侯伯子男凡五等天子之田方
千里公侯田方百里伯七十里子男五十里不能五十里者不達
於天子附於諸侯曰附庸凡四海之內九州州方千里州建百里
之國三十七十里之國六十五十里之國百有二十凡二百一十
國名山大澤不以封其餘以爲附庸閒田八州州二百一十國天
子之縣內百里之國九七十里之國二十有一五十里之國六十
有三凡九十三國名山大澤不以班其餘以祿士以爲閒田凡九
州千七百七十三國天子之元士諸侯之附庸不與天子百里之
內以供官千里之內以爲御千里之外設方伯五國以爲屬屬有

長十國以爲連連有帥三十國以爲卒卒有正二百一十國以爲州州有伯八州八伯五十六正百六十八帥三百三十六長八伯各以其屬屬於天子之老二人分天下爲左右曰二伯千里之內曰甸千里之外曰采曰流天子使其大夫爲三監監於方伯之國國三人天子之縣內諸侯祿也外諸侯嗣也

武王歸豐監於二代設爵惟五分土惟三封同姓五十餘國周公康叔建於魯衛各數百里太公封於齊表東海者也凡一千八百國布列於五千里內而太昊黃帝之後唐虞侯伯猶存大司徒以諸公之地封疆方五百里其食者半諸侯之地方四百里其食者三之一諸伯之地方三百里其食者三之一諸子之地方二百里其食者四之一諸男之地方百里其食者四之一不易之地家百畝一易之地家二百畝再易之地家三百畝五家爲比使之相保

五比爲閭使之相受四閭爲族使之相葬五族爲黨使之相救五黨爲州使之相調五州爲鄉使之相賓小司徒以五人爲伍五伍爲兩四兩爲卒五卒爲族五族爲師五師爲軍以起軍旅以作田役以比追胥以令貢賦乃經土地而井牧其田野九夫爲井四井爲邑四邑爲丘四丘爲甸甸爲縣四縣爲都遺人則十里有廬廬有飲食三十里有宿宿有路室路室有委五十里有市市有候候有館館有積遂人則五家爲鄰五鄰爲里四里爲鄴五鄴爲鄙五鄙爲縣五縣爲遂大司馬以九畿之籍施邦國之政方千里曰國畿其外方五百里曰侯畿又其外方五百里曰甸畿又其外方五百里曰男畿又其外方五百里曰采畿又其外方五百里曰衛畿又其外方五百里曰蠻畿又其外方五百里曰夷畿又其外方五百里曰鎮畿又其外方五百里曰藩畿

畿田限也自王城以外面五千里爲界有分限者九也

于時

治致太平政稱刑措民口千三百七十一萬四千九百三十三蓋
周之盛者也其衰也則禮樂征伐出自諸侯疆吞弱而眾暴寡春
秋之初尚有千二百國迄獲麟之末二百四十二年弑君三十六
亡國五十二諸侯奔走不得保其社稷者不可勝數而見於春秋
經傳者百有七十國焉百三十九知其所居魯邾鄭宋紀衛西虢莒齊陳杞
蔡邢邾晉薛許鄧秦曹楚隨黃
梁虞鄆小邾徐燕都糜舒庸邾萊吳越有窮三苗瓜州有虞東虢共宿申夷向南燕滕凡戴息郟
芮魏淳于穀巴州蓼羅賴牟葛譚蕭遂滑權鄆霍耿江冀弦道柏微鄆厲項密任須句顛臾頓管
雍畢豐邶應蔣茅胙夔介焦沈六巢根牟唐黎郕瑕寒有鬲斟灌斟尋過有過戈偃陽邾
鑄豕韋唐杜陽鄆鄆觀扈邳胡黎大庭駘岐邳鍾吾蒲姑昆吾房密須甲父邳桐毫韓趙
一國盡亡其處祭極荀賈貳軫絞於餘丘陽箕英氏毛羽莘偃封父仍
有仍崇邾庸姚奄商奄褒姒葑有緡闕鞏颺窮桑蠻夷戎狄不
在其間五伯迭興總其盟會陵夷至于戰國遂有七王韓魏趙燕
齊秦楚又
有宋衛中山不斷如綫如三晉篡奪亦稱孤也司馬法廣陳三代
曰古者六尺為步步百為畝畝百為夫夫三為屋屋三為井井方
一里是為九夫八家共之一夫一婦受私田百畝公田十畝是為

八百八十畝餘二十畝為廬舍出入相友文守望相助疾病相救
民受田上田夫百畝中田夫二百畝下田夫三百畝歲受耕之爰
自其處其家眾男為餘夫亦以口受田如此士工商家受田五口
乃當農夫一口有賦有稅謂公田什一及工商衡虞之人一作也
賦供車馬甲兵士從之役民年二十受田六十婦田種穀必雜五
種以備災旱田中不得有樹以妨五穀環廬種桑柘菜茹有畦瓜
瓠果蒺植於疆場雞狗豕無失其時間有序鄉有庠序以明教
庠以行禮司馬之法官設六軍之眾因井田而制軍令地方一里
為井井十為通通十為成成方十里成十為終終十為同同方百
里同十為封封十為畿畿方千里故井四為邑邑四為丘丘十六
井有戎馬一匹牛三頭四丘為甸甸六十四井也有戎馬四匹兵
車一乘牛十二頭甲士三人卒七十二人是謂乘車之制一同百

里提封萬井除山川坑岸城池邑居園囿街路三千六百井定出賦六千四百井戎馬四百匹兵車百乘此卿大夫菜地之大者是謂百乘之家一封三百六十六里提封十萬井定出賦六萬四千井戎馬四千匹兵車千乘此謂諸侯之大者也謂之千乘之國天子畿內方千里提封百萬井定出賦六十四萬井戎馬四萬匹兵車萬乘戎卒七十二萬人故天子稱萬乘之主焉

秦始皇既得志於天下訪周之敗以爲處士橫議諸侯尋戈四夷交侵以弱見奪於是削去五等焉

漢興創艾亡秦孤立而敗於是割裂封疆立爵二等功臣侯者百有餘邑于時民懼秦項戶口彫弊大侯不過萬家小者五六百戶而尊王子弟大啟九國古者有分土而無分民若乃大者跨州連郡小則十有餘城以戶口爲差降略封疆之遠近所謂分民自漢

始也起鴈門以東盡遼陽爲燕代常山以南太行左轉渡河濟漸于海爲齊趙穀泗以注奄有龜蒙爲梁楚東帶江湖薄會稽爲荆吳北界淮瀕略廬衡爲淮南波漢之陽亘九疑爲長沙諸侯比境周匝三垂外接胡越天子自有三河東郡一視川南陽自江陵以西至巴蜀北至雲中西至隴西與京師內史凡十五郡文帝采賈生之議分齊趙景帝用朝錯之計削吳楚武帝施主父之冊下推恩之令使諸侯王得分戶邑以封子弟不行黜陟而藩國自析自此以來齊分爲七趙分爲六梁分爲五淮南分爲三皇子始立者大國不過十餘城長沙燕代雖有舊名皆亡南北邊矣自文景與民休息至平帝元始二年民戶千二百二十三萬三千六十二口五千九百五十九萬四千九百七十八其地東西九千三百二里南北萬二千三百六十八里大率十里一亭亭有長十亭一鄉鄉有

三老有秩嗇夫游徼各一人縣大率方百里民稠則減稀則曠鄉亭亦如之皆秦制也

光武中興不踰前制東海王疆以去就有禮故優以大封兼食魯郡二十九縣其餘稱爲寵錫者兼一郡而已至桓帝永壽三年戶千六十七萬七千九百六十口五千六百四十八萬六千八百五十六斯亦戶口之滋殖者也

獻帝建安元年拜曹操爲鎮東將軍封賈亭侯

魏文帝黃初三年初制封王之庶子爲鄉公嗣王之庶子爲侯公侯之庶子爲亭伯

劉備章武元年亦以郡國封建諸王或遙採嘉名不由檢土地所出其戶二十萬男女口九十萬

孫權赤烏五年亦取中州嘉號封建諸王其戶五十二萬二千男

女口二百四十萬

晉文帝爲晉王命裴秀等建立五等之制惟安平郡公孚邑萬戶制度如魏諸王其餘縣公邑千八百戶地方七十五里大國侯邑千六百戶地方七十里次國侯邑千四百戶地方六千五百里大國伯邑千二百戶地方六十里次國伯邑千戶地方五十五里大國子邑八百戶地方五十里次國子邑六百戶地方四十五里男邑四百戶地方四十里

武帝泰始元年封諸王以郡爲國邑二萬戶爲大國置上中下三軍兵五千人邑萬戶爲次國置上軍下軍兵三千人五千戶爲小國置一軍兵千五百人王不之國官於京師罷五等之制公侯邑萬戶以上爲大國五千戶以上爲次國不滿五千戶爲小國太康元年平吳大凡戶二百四十五萬九千八百四十口一千六百一

十六萬三千八百六十三而江左諸國並三分食一元帝渡江太興元年始制九分食一

司州按禹貢豫州之地及漢武帝初置司隸校尉所部三輔三河諸郡其界西得雍州之京兆馮翊扶風三郡北得冀州之河東河內二郡東得豫州之弘農河南二郡郡凡七位望降于牧伯銀印青綬及光武都洛陽司隸所部與前漢不異魏氏受禪即都漢宮司隸所部河南河東河內弘農并冀州之平陽合五郡置司州晉仍居魏都乃以三輔還屬雍州分河南立滎陽分雍州之京兆立上洛廢東郡立頓丘遂定名司州以司隸校尉統之州統郡一十二縣一百戶四十七萬五千七百

河南郡 漢置統縣十二戶一十一萬四千四百置尹

洛陽 置尉五部三市東西七里南北九里東有建春東陽清明二門南有開陽平昌宣陽建陽四門西有廣陽西明閭闔二門北有大夏廣莫二門司隸校尉河南尹及百官列城內也

河南 周東都王城 鄭 周孝王封周桓公孫惠公於鞏號東周故城 鄭 鞏 戰國時有東西周號芒山首陽其界也 河陰 新安 函谷關所居 成

臯 有闕鄭之武牢 緱氏 有劉聚周大夫劉子 邑有延壽城仙人祠 陽城 有鄂阪關此邑是為地中夏至景尺 有延壽關故 陸渾 故蠻子國楚莊王伐陸渾是也 梁 戰國時謂為南梁別少梁也 陽翟

滎陽郡 泰始二年置統縣八戶三萬四千

滎陽 地名敖秦 鄭太叔 密 故周 卷 有博浪長沙張良擊秦始皇處 陽武 苑陵 中牟 六國時趙

弘農郡 漢置統縣六戶一萬四千

弘農 本函谷關漢武 湖 故曰胡漢 武更名湖 陝 故虢國周分陝東西二相主之 宜陽 黽池 華陰 華山在縣南

上洛郡 泰始二年分京兆南郡置統縣三戶萬七千

上洛 曉關在 商 秦相衛 盧氏 熊耳山在東 縣西北 商鞅邑 伊水所出

平陽郡 故屬河東魏分立統縣十二戶四萬二千

平陽 舊堯都 楊 故楊 端氏 韓魏趙既為諸侯以端氏封晉君也 永安 故霍伯國 蒲子 狐讎 襄

陵公國絳邑晉武公自曲沃徙此濩澤析城山在西南臨汾公國北屈壺口山在東南有南屈故稱北皮氏故耿國

河東郡秦置統縣九戶四萬二千五百

安邑舊舜都聞喜故曲沃晉武公自晉陽徙此垣王屋山在東北沁水所出汾陽公相大陽吳山在西周武王封西周太伯後於此猗

氏古猗頓城解池有鹽蒲坂有歷山舜所耕也有雷首山夷齊居其陽所謂首陽山河北

汲郡秦始二年置統縣六戶三萬七千

汲有銅關朝歌紂所都共故國北山淇水所出林慮獲嘉故汲新中鄉漢武帝行過時獲呂嘉首因改名修武晉所啟南陽秦

改名

河內郡漢置統縣九戶五萬二千

野王太行山故晉在西北州故晉懷平邢侯自襄國徙此阜邢侯自襄國徙此河陽沁水軹故周原邑山陽溫

故國也蘇念生封

廣平郡魏置統縣十五戶三萬五千二百

廣平邯鄲秦置為郡易陽武安涉襄國故邢侯國都南和任曲梁

列人肥鄉臨水廣年侯斥漳平恩

陽平郡魏置統縣七戶五萬一千

元城漢元后生邑館陶清泉發于東武陽陽平樂平

魏郡漢置統縣八戶四萬七百

鄴魏武受封居此長樂魏斥丘安陽蕩陰內黃黃池在西黎故黎侯國

頓丘郡秦始二年置統縣四戶八千三百

頓丘繁陽陰安衛

永嘉之後司州淪沒劉聰聰以洛陽為荊州及石勒復以為司州石季龍又分司州之河南河東弘農滎陽兗州之陳留東燕為洛州元帝渡江亦僑置司州於徐非本所也後以弘農人流寓尋陽者僑立為弘農郡又以河東人南寓者於漢武陵郡孱陵縣界上明地僑立河東郡統安邑聞喜永安臨汾弘農譙松滋大戚八縣

並寄居焉永和五年桓溫入洛復置河南郡屬司州

兗州按禹貢濟河之地舜置十二牧則其一也周禮河東曰兗州春秋元命包云五星流為兗州兗瑞也信也又云蓋取兗水以名焉漢武帝置十三州以舊名為兗州自此不改州統郡國八縣五十六戶八萬三千三百

陳留國 漢置統縣十戶三萬魏武帝封

小黃 有洪溝漢高祖項羽欲分處 封丘 鳥巢地在東南 酸棗 鳥巢地在東南 濟陽 故匡城孔丘所厄也 長垣 故匡城孔丘所厄也 雍

丘 故杞國 尉氏 襄邑 外黃

濮陽國 故屬東郡晉初分東郡置統縣四戶二萬一千

濮陽 古昆吾國師延為紂作靡靡之樂既而投此水公國相 廩丘 公國相有羊角城 白馬 有瓠子堤鄆城公國相

濟陽郡 漢置統縣九戶七千六百

定陶 漢高帝封彭越為梁王都此 乘氏 故侯國 句陽 離狐 宛句 巳氏 成武 有楚丘亭

單父 故侯國 城陽 舜所漁堯冢在西

高平國 故屬梁國晉初分山陽置統縣七戶三千八百

昌邑 侯相有甲父亭 鉅野 魯獲麟所 方與 金鄉 陸湖 高平 侯國有漆亭 南平陽

任城國 漢置統縣三戶一千七百

任城 古任國 亢父 樊

東平國 漢置統縣七戶六千四百

須昌 壽張 有虫尤祠 范 無鹽 富城 東平陸 剛平

濟北國 漢置統縣五戶二千五百

盧 為鵠所生縣西有石門 臨邑 東阿 穀城 有鳥下聚 蛇丘 有下灌亭

泰山郡 漢置統縣十一戶九千三百

奉高 西南有明臺 博 有龜山 嬴 南武城 梁父 侯國有菟裘聚 山茌 在東北 新秦 故曰平陽 南

武陽 有顯史城 萊蕪 有原山 東牟 故牟國 鉅平 有陽關亭

惠帝之末兗州闔境淪沒石勒後石季龍改陳留郡為建昌郡屬洛州是時遺黎南渡元帝僑置兗州寄居京口明帝以邳鑿為刺史寄居廣陵置濮陽濟陰高平太山等郡後改為南兗州或還江南或居盱眙或居山陽後始割地為境常居廣陵南與京口對岸咸康四年於北譙界立陳留郡安帝分廣陵郡之建陵臨江如臯寧海蒲濤五縣置山陽郡屬南兗州

豫州按禹貢為荆河之地周禮河南曰豫州豫者舒也言稟中河之氣性理安舒也春秋元命包云鉤鈐星別為豫州地界西自華山東至于淮北自濟南界荆山秦兼天下以為三川河東南陽潁川碭泗水薛七郡漢改三川為河南郡武帝置十三州豫州舊名不改以河南河東二郡屬司隸又以南陽屬荊州先是改泗水曰沛郡改碭郡曰梁改薛曰魯分梁沛立汝南郡分潁川立淮陽郡

後漢章帝改淮陽曰陳郡魏武分沛立譙郡魏文分汝南立弋陽郡及武帝受命又分潁川立襄城郡分汝南立汝陰郡合陳郡於梁國州統郡國十縣八十五戶十一萬六千七百九十六

潁川郡 秦置統縣九戶一萬八千三百

許昌 漢獻帝都許魏禪徙都洛陽許官室武庫存焉改為許昌 長社 潁陰 臨潁 公國 郟 邵陵 公國 馮

陵 公國 新汲 長平

汝南郡 漢置統縣十五戶一萬一千五百

新息 南安陽 安成 侯慎陽 北宜春 朗陵 陽安 故江國有江亭 上蔡

平輿 故沈子國有沈亭 定潁 濯陽 南頓 汝陽 吳房 故房子國 西平 故栢國龍泉水

有用沛可刀劍

襄城郡 泰始二年置統縣七戶一萬八千

襄城 侯相有西不美城 繁昌 魏文受禪於此 定陵 侯相 父城 侯相 昆陽 公國 舞陽 宣帝始封此邑

汝陰郡 魏置郡後廢泰始二年復置統縣八戶八千五百

汝陰 故胡慎故楚 原鹿 固始 鮦陽 新蔡 宋 侯相 褒信

梁國 漢置統縣十二戶一萬三千

睢陽 春秋時宋都 蒙 虞 下邑 有碭山山有文石 寧陵 故葛伯國 穀熟 陳 項 長

平 陽夏 武平 苦 東有賴鄉祠老子所生地

沛國 漢置統縣九戶五千九十六

相 沛 漢高祖所起處 豐 竺 邑 符離 杼秋 汶 虹 蕭

譙郡 魏置統縣七戶一千

譙 城父 鄆 山 桑 龍亢 蘄 銍

魯郡 漢置統縣七戶七千五百

魯 曲阜之地魯侯伯禽所居 汶陽 卞 鄒 有絳山 番 故小國 薛 奚仲所封 公丘

弋陽郡 魏置統縣七戶一萬六千七百

西陽 故弦子國 軹 蘄 春 邾 西陵 期思 弋陽

安豐郡 魏置統縣五戶一千二百

安風 雩婁 安豐 侯相 蓼 松滋 侯相

惠帝分汝陰立新蔡分梁國立陳郡分汝南立南頓永嘉之亂豫州淪沒石氏元帝渡江以春穀縣僑立襄城郡及繁昌縣成帝乃僑立豫州於江淮之間居蕪湖時淮南入北乃分丹揚僑立淮南郡居于湖又以舊當塗縣流人渡江僑立為縣并淮南廬江安豐並屬豫州寧康元年移鎮姑孰孝武改蘄春縣為蘄陽縣因新蔡縣人於漢九江王黥布舊城置南新蔡郡屬南豫州又於漢廬江郡之南部置晉熙郡

冀州按禹貢周禮並為河內之地舜置十二牧則其一也春秋元命包云鼎畢散為冀州分為趙國其地有險有易帝所王都亂則

冀安弱則冀疆荒則冀豐舜以冀州南北濶大分衛以西為并州燕以北為幽州周人因焉及漢武置十三州以其地依舊名為冀州歷後漢至晉不改州統郡國十三縣八千二百一十二萬六千

趙國 漢置統縣九戶四萬二千

房子 元氏 平棘 高邑 公國相 中丘 柏人 平鄉 下曲陽 故鼓

子 鄆國

鉅鹿國 秦置統縣二戶一萬四千

慶陶 鉅鹿

安平國 漢置統縣八戶一萬一千

信都 下博 武邑 武遂 觀津 侯相 扶柳 廣宗 侯國 經

平原國 漢置統縣九戶二萬一千

平原 高唐 荏平 博平 聊城 安德 西平昌 般 鬲

樂陵國 漢置統縣九戶二萬三千

厭次 陽信 潔沃 新樂 樂陵 有都尉居

勃海郡 漢置統縣十戶四萬

南皮 東光 浮陽 饒安 高城 重合 東安陵 蓀 廣

川 侯相 阜城

章武國 秦始皇元年置統縣四戶一萬三千

東平舒 文安 章武 東州

河間國 漢置統縣六戶二萬七千

樂城 侯相 武垣 鄭 侯相 易城 中水 成平

高陽國 秦始皇元年置統縣四戶七千

傅陸 高陽 北新城 侯相 蠡吾

傅陵郡 漢置統縣四戶一萬

安平 饒陽 南深澤 安國

清河國 漢置統縣六戶二萬二千

清河 東武城 繹幕 侯相 貝丘 靈 郟

中山國 漢置統縣八戶三萬二千

盧奴 魏昌 新市 安喜 蒲陰 望都 唐 北平

常山郡 漢置統縣八戶一萬四千

真定 石邑 井陘 上曲陽 恒山在縣西北有坂號飛狐口 蒲吾 南行唐 靈壽

九門 侯相

惠帝之後冀州淪沒於石勒勒以太興二年僭號於襄國稱趙後為慕容雋所滅慕容氏又為苻堅所滅孝武太元八年堅敗其地入慕容垂垂僭號於中山是為後燕後燕卒滅於魏幽州按禹貢冀州之域舜置十二牧則其一也周禮東北曰幽州

春秋元命包云箕星散為幽州分為燕國言北方太陰故以幽冥為號武王定殷封召公於燕其後與六國俱稱王及秦滅燕以為漁陽上谷右北平遼西遼東五郡漢高祖分上谷置涿郡武帝置十三州幽州依舊名不改其後開東邊置玄菟樂浪等郡亦皆屬焉元鳳元年改燕曰廣陽郡幽州所部凡九郡至晉不改幽州統郡國七縣三十四戶五萬九千二十

范陽國 漢置涿郡魏文更名范陽郡武帝置國封宣帝弟子綏為王統縣八戶一萬一千

涿 良鄉 方城 長鄉 道 故安 范陽 容城 侯相

燕國 漢置孝昭改為廣陽郡統縣十戶二萬九千

薊 安次 侯相 昌平 軍都 有 廣陽 潞 安國 國相蜀主劉禪封此縣公 泉州 侯相 雍

奴 狐奴

北平郡 秦置統縣四戶五千

徐無 土垠 俊靡 無終

上谷郡 秦置郡在谷之上頭故因名焉統縣二戶四千七十

沮陽 居庸

廣甯郡 故上谷大康中置郡都尉居統縣三戶三千九百五十

下洛 潘 涿鹿

代郡 秦置統縣四戶二千四百

代 廣昌 平舒 富城

遼西郡 秦置統縣三戶二千八百

陽樂 肥如 海陽

惠帝之後幽州沒於石勒及穆帝永和五年慕容雋儼號於薊是為前燕七年雋移都於鄴雋死子暉為苻堅所滅堅敗地復入慕容垂是為後燕垂死寶遷于和龍

平州按禹貢冀州之域於周為幽州界漢屬右北平郡後漢末公孫度自號平州牧及其子康康子文懿並擅據遼東東夷九種皆服事焉魏置東夷校尉居襄平而分遼東昌黎玄菟帶方樂浪五郡為平州後還合為幽州及文懿滅後有護東夷校尉居襄平咸寧二年十月分昌黎遼東玄菟帶方樂浪等郡國五置平州統縣二十六戶一萬六千一百

昌黎郡 漢屬遼東屬國都尉魏置郡統縣二戶八百

昌黎 賓徒

遼東國 秦立為郡漢光武以遼東等屬青州後還幽州統縣八戶五千四百

襄平 東夷校尉所居 汶 居就 樂就 安平 西安平 新昌 力城

樂浪郡 漢置統縣六戶二千七百

朝鮮 周封箕子地 屯有 渾彌 遂城 秦築長城之所起 鏤方 駟望

玄菟郡

漢置統縣三
戶三千二百

高句麗

望平

高顯

帶方郡

公孫度置統縣
七戶四千九百

帶方

列口

南新

長岑

提奚

含資

海冥

平州初置以慕容廆為刺史遂屬永嘉之亂廆為眾所推及其孫
雋移都于薊其後慕容垂于寶又遷于和龍自幽州至於廬溥鎮
以南地入於魏慕容熙以幽州刺史鎮令支青州刺史鎮新城并
州刺史鎮凡城營州刺史鎮宿軍冀州刺史鎮肥如高雲以幽冀
二州牧鎮肥如并州刺史鎮白狼後為馮跋所篡跋僭號於和龍
是為後燕卒滅於魏

并州按禹貢蓋冀州之域舜置十二牧則其一也周禮正北曰并
州其鎮曰恒山春秋元命包云營室流為并州分為衛國州不以

衛水為號又不以恒山為稱而云并者蓋以其在兩谷之間也漢
武帝置十三州并州依舊名不改統上黨太原雲中上郡鴈門代
郡定襄五原西河朔方十郡又別置朔方刺史後漢建武十一年
省朔方入并州靈帝末羌胡大擾定襄雲中五原朔方上郡等五
郡並流徙分散建安十八年省入冀州二十年始集塞下荒地立
新興郡後又分上黨立樂平郡魏黃初元年復置并州自陘嶺以
北並一作并棄之至晉因而不改并州統郡國六縣四十五戶五萬九
千三百

太原國

秦置統縣十三
戶一萬四千

晉陽

侯相

陽曲

榆次

于離

孟

狼孟

陽邑

大陵

祁

平陶

京陵

中都

鄆

上黨郡

秦置統縣十
戶一萬三千

潞 屯留 壺關 長子 泫氏 高都 銅鞮 涅 襄垣

武鄉

西河國 漢置統縣四 戶六千三百

離石 隰城 中陽 介休

樂平郡 秦始中置統縣 五戶四千三百

沾 上艾 壽陽 轅陽 樂平

鴈門郡 秦置統縣八戶 一萬二千七百

廣武 崞 注陶 平城 後人 繁峙 原平 西邑

新興郡 魏置統縣 五戶九千

九原 定襄 雲中 廣牧 晉昌

惠帝改新興為晉昌郡及永興元年劉元海僭號於平陽稱漢於是并州之地皆為元海所有元海乃以雍州刺史鎮平陽幽州刺

史鎮離石及劉聰攻陷洛陽置左右司隸各領戶二十餘萬萬戶置一內史凡內史四十三人單于左右輔各主六夷又置殷衛東梁西河陽北兖五州以懷安新附劉曜徙都長安其平陽以東地入石勒勒平朔方又置朔州自惠懷之間離石縣荒廢勒於其處置永石郡又別置武鄉郡及苻堅姚興赫連勃勃并州並徙置河東又姚興以河東為并冀二州云

雍州按禹貢黑水西河之地舜置十二牧則其一也以其四山之地故以雍名焉亦謂西北之位陽所不及陰陽氣雍闕也周禮西曰雍州蓋并禹梁州之地周自武王剋殷都於豐鎬雍州為王畿及平王東遷洛邑以岐豐之地賜秦襄公則為秦地累世都之至始皇遂平六國秦滅漢又都之及武帝置十三州其地以西偏為涼州其餘並屬司隸不統於州後漢光武都洛陽關中復置雍州

後罷復置司隸校尉統三輔如舊獻帝時又置雍州自三輔距西

域皆屬焉魏文帝即位分河西為涼州分隴右為秦州改京兆尹

為太守馮翊扶風各除左右仍以三輔屬司隸晉初於長安置雍

州統郡國七縣三十九戶九萬九千五百

京兆郡 漢置統縣九戶四萬

長安 杜陵 霸城 藍田 高陸 萬年 故櫟陽縣 新豐 陰般 鄭

周宣王弟鄭桓公邑

馮翊郡 漢置名左馮翊統縣八戶七千七百

臨晉 故火荔秦獲之更名有河水祠祠臨晉水故名 下邳 秦武公伐邾置有上邳故如下 重泉 頻陽 秦厲公置在頻水之陽 粟邑

蓮芍 郃陽 夏陽 故少梁秦惠文王更名梁山在西北

扶風郡 漢武帝以為王爵都尉太初中更名右扶風統縣六戶一萬三千

池陽 漢惠帝置成國渠有嶽薛山 郿 帝受渭 雍 侯相有五時太昊黃帝以下祠三百三所 汧 吳山在西北 陳倉 美陽 岐山在西北周

太王所邑

安定郡 漢置統縣七戶五千五百

臨涇 朝那 烏氏 都盧 鶉觚 陰密 殷時密國 西川

北地郡 秦置統縣二戶二千六百

泥陽 富平

始平郡 秦始三年置統縣五戶一萬八千

槐里 秦曰廢丘漢高帝更名有黃山宮 始平 武功 太一山在東古文以為終南 郿 蒯城 古國夏啟所伐

新平郡 漢置統縣二戶二千七百

漆 漆水在西 汾邑

惠帝即位改扶風國為秦國徙都建興之後雍州沒於劉聰及劉曜徙都長安改號曰趙以秦涼二州牧鎮上邽朔州牧鎮高平幽州刺史鎮北地并州牧鎮蒲坂石勒尅長安復置雍州石氏既敗

符健僭據關中又都長安是爲前秦於是乃於雍州置司隸校尉以豫州刺史鎮許昌秦州刺史鎮上邽荊州刺史鎮豐陽洛州刺史鎮宜陽并州刺史鎮蒲坂苻堅時分司隸爲雍州分京兆爲咸陽郡洛州刺史鎮陝城滅燕之後分幽州置平州鎮龍城幽州刺史鎮薊城河州刺史鎮抱罕并州刺史鎮晉陽豫州刺史鎮洛陽兖州刺史鎮倉垣雍州刺史鎮蒲坂於是移洛州居豐陽以許昌置東豫州以荊州刺史鎮襄陽徐州刺史鎮彭城旣而姚萇滅苻氏是爲後秦及萇子興尅洛陽以并冀二州牧鎮蒲坂豫州牧鎮洛陽兖州刺史鎮倉垣分司隸領北五郡置雍州刺史鎮安定及姚泓爲劉裕所滅其地尋入赫連勃勃僭號於統萬是爲夏置幽州牧於大城又平劉義真於長安遣子瓚鎮焉號曰南臺以朔州牧鎮三城秦州刺史鎮杏城雍州刺史鎮陰密并州刺史鎮

蒲坂梁州牧鎮安定北秦州刺史鎮武功豫州牧鎮李閏荊州刺史鎮陝其州郡之名並不可知也然自元帝渡江所置州亦皆遙領初以魏該爲雍州刺史鎮鄱城尋省僑立始平郡寄居武當城有秦國流人至江南改堂邑爲秦郡僑立尉氏縣屬焉康帝時庾翼爲荊州刺史遷鎮襄陽其後秦雍流人多南出樊沔孝武始於襄陽僑立雍州仍立京兆始平扶風河南廣平義成北河南七郡並屬襄陽襄陽故屬荊州

涼州按禹貢雍州之西界周衰其地爲狄秦興美陽甘泉宮本匈奴鑄金人祭天之處匈奴旣失甘泉又使休屠渾邪王等居涼州之地二王後以地降漢漢置張掖酒泉敦煌武威郡其後又置金城郡謂之河西五郡漢改周之雍州爲涼州蓋以地處西方常寒涼也地勢西北邪出在南山之間南隔西羌西通西域于時號爲

斷匈奴右臂獻帝時涼州數有亂河西五郡去州隔遠於是乃別
以為雍州末又依古典定九州乃合關右以為雍州魏時復分以
為涼州刺史領戊巳校尉護西域如漢故事至晉不改統郡八縣
四十六戶三萬七百

金城郡 漢置統縣五戶二千

榆中 允街 金城 白土 浩豐

西平郡 漢置統縣四戶四千

西都 臨羗 長寧 安夷

武威郡 漢置統縣七戶五千九百

姑臧 宣威 揖次 倉松 顯美 驪軒 番禾

張掖郡 漢置統縣三戶三千七百

永平 臨澤 漢昭武縣避景帝諱改也 屋蘭 漢因屋蘭名焉

西郡 漢置統縣五戶一千九百

日勒 刪丹 仙提 萬歲 蘭池 一二五蘭絕池

酒泉郡 漢置統縣九戶四千四百

福祿 會水 安彌 驛馬 樂涪 表氏 延壽 玉門 沙

頭

敦煌郡 漢置統縣十二戶六千三百

昌蒲 敦煌 龍勒 陽關 效穀 廣至 宜禾 宜安 深

泉 伊吾 新鄉 軋齊

西海郡 故屬張掖漢獻帝興平二年武威太守張雅請置統縣一戶二千五百

居延 澤在東南尚書所謂流沙也

元康五年惠帝分敦煌郡之宜禾伊吾宜安深泉廣至等五縣分
酒泉之沙頭縣又別立會稽新鄉凡八縣為晉昌郡永寧中張軌

為涼州刺史鎮武威上表請合秦雍流移人於姑臧西北置武興郡統武興大城烏支襄武晏然新鄯平狄司監等縣又分西平界置晉興郡統晉興枹罕永固臨津臨鄯廣昌大夏遂興罕唐左南等縣是時中原淪沒元帝徙居江左軌乃控據河西稱晉正朔是為前涼及張寔分金城之令居枝楊一作陽二縣又立永登縣合三縣立廣武郡張茂分武興金城西平安故為定州張駿分武威武興西平張掖酒泉建康西郡湟河晉興須武合十一郡為涼州興晉金城武始南安永晉大夏武成漢中為河州敦煌晉昌西域都護張茂以校尉玉門大護軍三郡三營為沙州張駿假涼州都督攝三州張祚又以敦煌郡為商州永興中置漢陽縣以守牧地張玄靚改為祁連郡張天錫又別置臨松郡天錫降於苻氏其地尋為呂光所據呂光都於姑臧後以郭騰言識改昌松為東張掖郡及

五郡
五郡
呂隆降於姚興其地三分武昭王為西涼建號於敦煌禿髮烏孤為南涼建號於樂都沮渠蒙遜為北涼建號於張掖而分據河西

秦州按禹貢本雍州之域魏始分隴右置焉刺史領護羌校尉中間暫廢及秦始五年又以雍州隴西五郡及涼州之金城梁州之陰平合七郡置秦州鎮冀城太康三年罷秦州并雍州七年復立鎮上邽統郡六縣二十四戶三萬二千一百

隴西郡 秦置統縣四戶三千

襄武 鳥鼠山在東 首陽 鳥鼠山在東 臨洮 狄道

南安郡 漢置統縣三戶四千三百

源道 新興 中陶

天水郡 漢武置孝明改為漢陽晉復為天水統縣六戶八千五百

上邽

冀秦州故居始昌

新陽

顯新漢顯親縣成紀

略陽郡

本名廣魏秦始中更名焉統縣四戶九千三百二十

臨渭

平襄

略陽

清水

武都郡

漢置統縣五戶三千

下辯

河池

沮

武都

故道

陰平郡

秦始中置統縣二戶三千

陰平

平廣

惠帝分隴西之狄道臨洮河關又立洮陽遂平武街始興第五真仇六縣合九縣置狄道郡屬秦州張駿分屬涼州又以狄道縣立武始郡江左分梁為秦寄居梁州又立氏池為北秦州梁州按禹貢華陽黑水之地舜置十二牧則其一也梁者言西方金剛之氣疆梁故因名焉周禮職方氏以梁并雍漢不立州名以

其地為益州及獻帝初平六年以臨江縣屬永寧郡建安六年劉璋改永寧為巴東郡分巴郡墊江置巴西郡劉備據蜀又分廣漢之葭萌涪城梓潼白水四縣改葭萌曰漢壽又立漢德縣以為梓潼郡割巴郡之宕渠宣漢漢昌三縣置宕渠郡尋省以縣並屬巴西郡泰始三年分益州立梁州於漢中改漢壽為晉壽又分廣漢置新都郡梁州統郡八縣三十八戶七萬六千三百

漢中郡

秦置統縣八戶一萬五千

南鄭

蒲池

褒中

沔陽

成固

西鄉

黃金

興道

梓潼郡

蜀置統縣八戶一萬二百

梓潼

涪城

武連

黃安

漢德

晉壽

劔閣

白水

廣漢郡

漢置統縣三戶五千一百

廣漢

德陽

五城

新都郡 秦始二年置統縣四
戶二萬四千五百

雒 什方 緜竹 新都

涪陵郡 蜀置統縣五
戶四千二百

漢復 涪陵 漢平 漢葭 萬寧

巴郡 秦置統縣四
戶三千三百

江州 墊江 臨江 枳

巴西郡 蜀置統縣九
戶一萬二千

閬中 西充國 蒼溪 岐嶺 南充國 漢昌 宕渠 安漢

平州

巴東郡 漢置統縣三
戶六千五百

魚腹 朐腮 南浦

太康六年九月罷新都郡并廣漢郡惠帝復分巴西置宕渠郡統

宕渠漢昌宣漢三縣并以新城魏興上庸合四郡以屬梁州尋而
梁州郡縣没于李特永嘉中又分屬楊茂搜其晉人流寓於梁益
者仍於二州立南北二陰平郡及桓溫平蜀之後以巴漢流人立
晉昌郡領長樂安晉延壽安樂宣漢寧都新興吉陽東關永安十
縣又置益昌晉興二縣屬巴西郡於德陽界東南置遂寧郡又於
晉壽置劔閣縣屬梁州後孝武分梓潼北界立晉壽郡統晉壽白
水邵歡興安四縣梓潼郡徙居梓潼罷劔閣縣又別置南漢中郡
分巴西梓潼為金山郡及安帝時又立新巴汶陽二郡又有北新
巴華陽南陰平北陰平四郡其後又立巴渠懷安宋熙白水上洛
北上洛南宕渠懷漢新興安康等十郡
益州按禹貢及舜十二牧俱為梁州之域周合梁於雍則又為雍
州之地春秋元命包云參伐流為益州益之為言阨也言其所在

之地險阨也亦曰疆壤益大故以名焉始秦惠王滅蜀置郡以張若為蜀守及始皇置三十六郡蜀郡之名不改漢初有漢中巴蜀高祖六年分蜀置廣漢凡為四郡武帝開西南夷更置犍為牂牁越雋益州四郡凡八郡遂置益州統焉益州蓋始此也及後漢明帝以新附置永昌郡安帝又以諸道置蜀廣漢犍為三郡屬國都尉及靈帝又以汶江蠶陵廣柔三縣立汶山郡獻帝初平元年劉璋分巴郡立永寧郡建安六年改永寧為巴東以巴郡為巴西又立涪陵郡二十一年劉備分巴郡立固陵郡蜀章武元年又改固陵為巴東郡巴西郡為巴郡又分廣漢立梓潼郡分犍為立江陽郡以蜀郡屬國為漢嘉郡以犍為屬國為朱提郡劉禪建興二年改益州郡為建寧郡廣漢屬國為陰平郡分建寧永昌立雲南郡分建寧牂牁立興古郡分廣漢立東廣漢郡魏景元中蜀平省東

廣漢郡及武帝泰始二年分益州置涼州以漢中屬焉七年又分益州置寧州益州統郡八縣四十四戶十四萬九千三百

蜀郡 秦置統縣六戶五萬

成都 廣都 繁 江原 臨邛 郫

犍為郡 漢置統縣五戶一萬

武陽 南安 熱道 資中 牛鞞

汶山郡 漢置統縣八戶一萬六千

汶山 升遷 都安 廣陽 興樂 平康 蠶陵 廣柔

漢嘉郡 蜀置統縣四戶一萬三千

漢嘉 徙陽 嚴道 旄牛

江陽郡 蜀置統縣三戶三千一百

江陽 符 漢安

朱提郡 蜀置統縣五
戶一千六百

朱提 南廣 漢陽 南秦 堂狼

越雋郡 漢置統縣五
戶五萬三千四百

會無 邛都 卑水 定笮 臺登

犍牯郡 漢置統縣八
戶一千二百

萬壽 且蘭 指談 夜郎 毋劔 并渠 鼈 平夷

惠帝之後李特僭號於蜀稱漢益州郡縣皆没于特李雄又分漢嘉蜀二郡立沉黎漢原二郡是時益州郡縣雖没李氏江左並遥置之桓溫滅蜀其地復為晉有省漢原沉黎而立南陰平晉原寧蜀始寧四郡焉咸安二年益州復没於苻氏太和八年復為晉有隆安二年又立晉熙遂寧晉寧三郡云寧州於漢魏為益州之域秦始七年武帝以益州地廣分益州之建寧興古雲南交州之永

昌合四郡為寧州統縣四十五戶八萬三千

雲南郡 蜀置統縣九
戶九千二百

雲平 雲南 桄棟 青蛉 姑復 邪龍 櫟榆 遂久 永

寧

興古郡 蜀置統縣十一
戶六千二百

律高 句町 宛溫 漏卧 毋掇 賁古 滕休 鐸封 漢

興 進乘 都箬

建寧郡 蜀置統縣十七
戶一萬九千

味 昆澤 存駝 新定 談豪 毋單 同瀨 漏江 牧麻

穀昌 連然 秦臧 雙栢 俞元 修雲 冷丘 滇池

永昌郡 漢置統縣八
戶三萬八千

不韋 永壽 比蘇 雍鄉 南涪 雋唐 哀牢 博南

太康三年武帝又廢寧州入益州立南夷校尉以護之太安二年
惠帝復置寧州又分建寧以西七縣別立為益州郡永嘉二年改
益州郡曰晉寧分牂牁夜郎二郡然是時其地再為李特
所有其後李壽分寧州與古永昌雲南朱提越嶲河陽六郡為漢
州咸康四年分牂牁夜郎朱提越嶲四郡置安州八年又罷并寧
州以越嶲還屬益州省永昌郡焉

晉書十四 志第四 終

晉書十四 志第四

晉書十五

晉書十五

志第五

地理下

青州 徐州 荊州 揚州 交州 廣州

青州按禹貢為海岱之地舜置十二牧則其一也舜以青州越海
又分為營州則遼東本為青州矣周禮正東曰青州蓋取土居少
陽其色為青故以名也春秋元命包云虛危流為青州漢武帝置
十三州因舊名歷後漢至晉不改州統郡國六縣三十七戶五萬
三千

齊國 秦置郡漢以為國景帝以為
北海郡統縣五戶一萬四千

臨淄 有棘 西安 有棘 東安平 女水出 廣饒 東北 昌國 樂毅
所封

濟南郡 漢置統縣五戶五千或云魏平蜀徙其豪將家於濟河
北故改為濟岷郡而大康地理志無此郡名未之詳

平壽 古國寒 下密 有三 膠東 侯 卽墨 有天 祝阿 山祠

石祠

及古閣

尾

樂安國 漢置統縣八戶一萬一千

高苑 臨濟 有出九祠 博昌 有薄姑祠 利益 相侯 蓼城 國侯 鄒 壽光 古斟灌氏所封國 東

朝陽

城陽郡 漢置屬北海自魏至晉分北海而立焉郡統縣十戶一萬二千

莒 故莒子國 姑幕 古薄姑氏國 諸 淳于 故淳于公國 東武 高密 漢改為都 壯武 黔陬

平昌 昌安

東萊國 漢置郡統縣六戶六千五百

掖 侯相 當利 侯國 盧鄉 曲城 黃 有萊山松林來君祠 愷 侯國有百支來王祠

長廣郡 咸寧三年置統縣三戶四千五百

不其 侯國 長廣 挺

惠帝元康十年又置平昌郡又分城陽之黔陬壯武淳于昌安高密平昌營陵安丘大劇臨朐十一縣為高密國自永嘉喪亂青州

淪沒石氏東萊人曹疑為刺史造廣固城後為石季龍所滅季龍末遼西段龕自號齊王據青州慕容恪滅趙剋青州苻氏平燕盡有其地及苻氏敗後刺史苻朗以州降朝廷置幽州以別駕辟閭渾為刺史鎮廣固隆安四年為慕容德所滅遂都之是為南燕復改為青州德以并州牧鎮陰平幽州刺史鎮發干徐州刺史鎮莒城青州刺史鎮東萊交州刺史鎮梁父慕容超移青州於東萊郡後為劉裕所滅留長史羊穆之為青州刺史築東陽城而居之自元帝渡江於廣陵僑置青州至是始置北青州鎮東陽城以僑立州為南青州而後省南青州而北青州直曰青州
徐州按禹貢海岱及淮之地舜十二牧則其一也於周入青州之域春秋元命包云天氏流為徐州蓋取舒緩之義或云因徐丘以立名秦兼天下以置泗水薛琅邪三郡楚漢之際分置東陽郡

漢又分置東海郡改泗水為沛改薛為魯分沛置楚國以東陽屬吳國景帝改吳為江都武帝分沛東陽置臨淮郡改江都為廣陵及置十三州以其地為徐州統楚國及東海琅邪臨淮廣陵四郡宣帝改楚為彭城郡後漢改為彭城國以沛郡之廣戚縣來屬改臨淮為下邳國及太康元年復分下邳屬縣在淮南者置臨淮郡分琅邪置東莞郡州凡領郡國七縣六十一戶八萬一千二十一

彭城國 漢以為郡統縣七戶四千一百二十一

彭城 故殷伯大彭國 留 張良所封 廣戚 傅陽 武原 呂 梧

下邳國 漢置為臨淮郡統縣七戶七千五百

下邳 萬嶧山在西北首百嶧陽也韓信為楚王都之 凌 良城 侯相 睢陵 夏丘 取慮 僮

東海郡 漢置統縣十二戶一萬一千一百

郟 故郟子國 況其 羽山在縣之西 朐 襄賁 利城 贛榆 原丘 蘭陵 承

昌慮 合鄉 戚

琅邪國 秦置郡統縣九戶二萬九千五百

開陽 侯相 臨沂 陽都 繒 卽丘 華 費 魯季氏邑 東安 蒙陰 山在

東莞郡 太康中置統縣八戶一萬

東莞 故魯郡邑 朱虛 營陵 尚父呂望所封 安丘 故莒渠丘父封邑 益 臨朐 有海水祠 劇 廣

廣陵郡 漢置統縣八戶八千八百

淮陰 射陽 輿 海陽 有江海會祠 廣陵 鹽瀆 淮浦 江都 有江水祠

臨淮郡 漢置章帝以合下邳太康元年復立統縣十戶一萬

盱眙 東陽 高山 贅其 潘旌 高郵 淮陵 司吾 下

相 徐

太康十年以青州城陽郡之莒姑幕諸東武四縣屬東莞元康元

年分東海置蘭陵郡七年又分東莞置東安郡分臨淮置淮陵郡以堂邑置堂邑郡永嘉之亂臨淮淮陵並淪沒石氏元帝渡江之後徐州所得惟半乃僑置淮陽陽平濟陰北濟陰四郡又琅邪國人隨帝過江者遂置懷德縣及琅邪郡以統之是時幽冀青并交五州及徐州之淮北流人相帥過江淮帝並僑立郡縣以司牧之割吳郡之海虞北境立郟朐利城況其原丘西隰襄賁七縣寄居曲阿以江乘置南東海南琅邪南東平南蘭陵等郡分武進立臨淮淮陵南彭城等郡屬南徐州又置頓丘郡屬北徐州明帝又立南沛南清河南下邳南東莞南平昌南濟陰南濮陽南太平南泰山南濟陽南魯等郡以屬徐兗二州初或居江南或居江北或以兗州領州郟鑿都督青兗二州諸軍事兗州刺史加領徐州刺史鎮廣陵蘇峻平後自廣陵還鎮京口又於漢故九江郡界置鍾離郡

屬南徐州江北又僑立幽冀青并四州穆帝時移南東海七縣出居京口義熙七年始分淮北爲北徐州淮南但爲徐州統彭城沛下邳蘭陵東莞東安琅邪淮陽陽平濟陰北濟陰十一郡以盱眙立盱眙郡統考城直瀆陽城三縣又分廣陵界置海陵山陽二郡後又以幽冀合徐州青州并合兗州

荊州按禹貢荆及衡陽之地舜置十二牧則其一也周禮正南曰荊州春秋元命包云軫星散爲荊州荊強也言其氣躁強亦曰警也言南變數爲寇逆其人有道後服無道先強常警備也又云取名於荆山六國時其地爲楚及秦取楚郢郢爲南郡又取巫中地爲黔中郡以楚之漢北立南陽郡滅楚之後分黔中爲長沙郡漢高祖分長沙爲桂陽郡改黔中爲武陵郡分南郡爲江夏郡武帝又分長沙爲零陵郡及置十三州因舊名爲荊州統南郡南陽

零陵桂陽武陵長沙江夏七郡後漢獻帝建安十三年魏武盡得
荊州之地分南郡以北立襄陽郡又分南陽西界立南鄉郡分枝
江以西立臨江郡及敗於赤壁南郡以南屬吳吳後遂與蜀分荆
州於是南郡零陵武陵以西為蜀江夏桂陽長沙三郡為吳南陽
襄陽南鄉三郡為魏而荊州之名南北雙立蜀分南郡立宜都郡
劉備沒後宜都武陵零陵南郡四郡之地悉復屬吳魏文帝以漢
中遺黎立魏興新城二郡明帝分新城立上庸郡孫權分江夏立
武昌郡又分蒼梧立臨賀郡分長沙立衡陽湘東二郡孫休分武
陵立天門郡分宜都立建平郡孫皓分零陵立始安郡分桂陽立
始興郡又分零陵立邵陵郡分長沙立安成郡荊州統南郡武昌
武陵宜都建平天門長沙零陵桂陽衡陽湘東邵陵臨賀始興始
安十五郡其南陽江夏襄陽南鄉魏興新城上庸七郡屬魏之荆

州及武帝平吳分南郡為南平郡分南陽立義陽郡改南鄉為順
陽郡又以始興始安臨賀三郡屬廣州以揚州之安成郡來屬州
統郡二十二縣一百六十七戶三十五萬七千五百四十八

江夏郡 漢置統縣七
戶二萬四千

安陸 橫尾山在東北
古之陪尾山 雲杜 故雲
子國 曲陵 平春 鄱 竟陵 章山在東北
古之內方山 南

新市

南郡 漢置統縣十二
戶五萬五千

江陵 故楚
都 編 有雲
夢官 當陽 華容 郡 故郡
子國 枝江 故羅
國 旌陽 州陵

襄陽郡 魏置統縣八戶
二萬二千七百 監利 松滋 石首

宜城 故鄢
也

中廬 臨沮 荆山在
東北 郎 襄陽 侯
相 山都 鄧城 鄆

南陽國 秦置郡統縣十四
戶二萬四千四百

宛 西鄂侯相 雒 魯陽公國相 犍 涪陽公國相 博望公國相 堵陽 葉

順陽郡太康中置統縣八戶二萬一百 舞陰公國相 比陽公國相 涅陽 冠軍 鄴

鄧 順陽 南鄉 丹水 武當侯相 陰 筑陽 析

義陽郡太康中置統縣十 新野侯相 穰 鄧故鄧侯國 蔡陽 隨故隨國 安昌 棘陽 厥 西平氏

桐栢山在南 義陽 平林 朝陽

新城郡魏置統縣四戶一萬五千二百 房陵 緩陽 昌魏 沔鄉

魏興郡魏置統縣六戶一萬二千 晉興 安康 西城 錫 長利 洵陽

上庸郡魏置統縣六戶一萬四千四百四十八

上庸侯相 安富 北巫 武陵 上廉 微陽

建平郡吳晉各有建平郡太康元年合統縣八戶一萬三千二百 巫 北井 秦昌 信陵 興山 建始 秭歸故楚子國 沙渠

宜都郡吳置統縣三戶八千七百 夷陵 夷道 佷山

南平郡吳置以為南郡太康元年改曰南平統縣四戶七千 作唐 孱陵 南安 江安

武陵郡漢置統縣十戶一萬四千 臨沅 龍陽 漢壽 沅陵 黔陽 酉陽 鐔城 沅南 遷

陵 舞陽

天門郡吳置統縣五戶三千一百 零陽 淩中 充 臨澧 澧陽

零陽

淩中

充

臨澧

澧陽

零陽

淩中

充

臨澧

澧陽

零陽

淩中

充

臨澧

澧陽

零陽

淩中

充

長沙郡 漢置統縣十
戶三萬三千

臨湘 攸 下雋 醴陵 劉陽 建寧 長昌 羅 蒲沂

巴陵

衡陽郡 吳置故屬長沙統
縣九戶二萬二千

湘鄉 重安 湘南 湘西 烝陽 衡山 連道 新康 益

陽

湘東郡 吳置故屬長沙統縣
七戶一萬九千五百

酃 茶陵 臨烝 利陽 陰山 新平 新寧

零陵郡 吳置統縣十二戶
二萬五千一百

泉陵 有香茅云古
貢之以縮酒 祁陽 零陵 營浦 洮陽 永昌 觀陽 營

道 春陽 冷道 應陽 東界有鼻墟
云象所封

邵陵郡 吳置統縣六
戶一萬二千

邵陵 都梁 耒夷 建興 邵陽 高平

桂陽郡 漢置統縣六戶
一萬一千三百

郴 項羽封義
帝之邑 耒陽 便 臨武 晉寧 南平

武昌郡 吳置統縣七戶
一萬四千八百

武昌 故東鄂也楚子能
渠封中子紅於此 柴桑 有溢
口關 陽新 沙羨 有夏口對
沔口有津 沙陽 鄂 有新興
馬頭鐵

官 官陵

安成郡 吳置統縣
七戶三千

平都 宜春 新諭 永新 安復 萍鄉 廣興

惠帝分桂陽武昌安成三郡立江州以新城魏興上庸三郡屬梁
州又分義陽立隨郡分南陽立新野郡分江夏立竟陵郡懷帝又
分長沙衡陽湘東零陵邵陵桂陽及廣州之始安始興臨賀九郡
置湘州時蜀亂又割南郡之華容州陵監利三縣別立豐都合四

縣置成都郡爲成都王穎國居華容縣愍帝建興中併還南郡亦併豐都於監利元帝渡江又僑立新興南河東二郡穆帝時又分零陵立營陽郡以義陽流人在南郡者立爲義陽郡又以廣州之臨賀始興始安三郡及江州之桂陽益州之巴東合五郡來屬以長沙衡陽湘東零陵邵陵營陽六郡屬湘州栢温又分南郡立武寧郡安帝又僑立南義陽東義陽長寧三郡義熙十三年省湘州置長沙衡陽湘東零陵邵陵營陽還入荊州

揚州按禹貢淮海之地舜置十二牧則其一也周禮東南曰揚州春秋元命包云牽牛流爲揚州分爲越國以爲江南之氣躁勁厥性輕揚亦曰州界多水水波揚也於古則荒服之國戰國時其地爲楚分秦始皇并天下以置鄣會稽九江三郡項羽封英布爲九江王盡有其地漢改九江曰淮南卽封布爲淮南王六年分淮

南置豫章郡十一年布誅立皇子長爲淮南王封劉濞爲吳王二年國盡得揚州之地文帝十六年分淮南立廬江衡山二郡景帝四年封皇子非爲江都王并得鄣會稽郡而不得豫章武帝改江都曰廣陵封皇子胥爲王而以屬徐州元封二年改鄣曰丹陽改淮南復爲九江後漢順帝分會稽立吳郡揚州統會稽丹楊吳豫章九江廬江六郡省六安并廬江郡獻帝興平中孫策分豫章立廬陵郡孫權又分豫章立鄱陽郡分丹楊立新都郡孫亮又分豫章立臨川郡分會稽立臨海郡孫休又分會稽立建安郡孫皓分會稽立東陽郡分吳立吳興郡分豫章廬陵長沙立安成郡分廬江立廬陵南部都尉揚州統丹楊吳會稽吳興新都東陽臨海建安豫章鄱陽臨川安成廬陵南部十四郡江西廬江九江之地自合肥之北至壽春悉屬魏及晉平吳以安成屬荊州分丹楊之宣城

宛陵陽安吳涇廣德寧國懷安石城臨城春穀十一縣立宣城郡理宛陵改新都曰新安郡改廬陵南部為南康郡分建安立晉安郡又分丹楊立毗陵郡揚州合統郡十八縣一百七十三戶三十一萬一千四百

丹陽郡 漢置統縣十一戶五萬一千五百

建鄴 本秣陵孫氏改為建業武帝平吳以為秣陵太康三年分秣陵北為建鄴改業為鄴 江寧 太康二年分建鄴置 丹楊 丹楊山多赤柳在西也 于

湖 蕪湖 永世 溧陽 溧水出東北入江仙 江乘 有茅山 句容 有茅山 湖熟 秣陵

宣城郡 太康二年置統縣十一戶二萬三千五百

宛陵 侯相彭澤聚在西南 宣城 陵陽 淮水出東北入江仙陵陽子明所居 安吳 臨城 石城

涇 春穀 孝武改春為陽 廣德 寧國 懷安

淮南郡 秦置九江郡漢以為淮南國漢武帝置為九江郡武帝改為淮南郡統縣十六戶三萬三千四百

壽春 成德 下蔡 義城 西曲陽 平阿 有塗山 歷陽 全椒

阜陵 漢明帝時淪為麻湖 鍾離 故州來邑 合肥 浚道 陰陵 當塗 古塗山國 東城

烏江

廬江郡 漢置統縣十戶四千二百

陽泉 舒 故國有桐鄉 濳 天柱山在南有祠 皖 尋陽 居巢 桀死於此 臨湖 襄安

龍舒 六 故六國

毗陵郡 吳分會稽無錫已西為屯田置典農校尉太康二年省校尉為毗陵郡統縣七戶一萬二千

丹徒 故朱方 曲阿 故雲陽 武進 延陵 毗陵 既陽 無錫 有唐山春申君祠

吳郡 漢置統縣十一戶二萬四千

吳 故國具區在西 嘉興 海鹽 鹽官 錢唐 武林山武林水所出 富陽 桐廬 建德

壽昌 海虞 婁

吳興郡 吳置統縣十一戶二萬四千

烏程 臨安 餘杭 武康 故防風氏國 東遷 於潛 有潛水 故鄣 安吉

原鄉 長城

會稽郡 秦置統縣十戶三萬

山陰 會稽山在南上有禹冢 上虞 有仇亭舜避丹朱於此地 餘姚 有句餘山在南 句章 鄞 有鮐亭 鄞 始

寧 郟 永興 諸暨

東陽郡 吳置統縣九戶一萬二千

長山 有赤松子廟 永康 烏傷 吳寧 太末 信安 豐安 定陽

遂昌

新安郡 吳置統縣六戶五千

始新 遂安 黟 歙 海寧 黎陽

臨海郡 吳置統縣八戶一萬八千

章安 臨海 始豐 永寧 寧海 松陽 安固 橫陽

建安郡 故秦閩中郡漢高帝五年以立閩越王及武帝滅之徙其名爲東治又更名東城後漢改爲侯官都尉及吳置建安郡統縣七戶四千三百

建安 吳興 東平 建陽 將樂 邵武 延平

晉安郡 太康三年置統縣八戶四千三百

原豐 新羅 宛平 同安 侯官 羅江 晉安 温麻

豫章郡 漢置統縣十六戶三萬五千

南昌 海昏 新淦 建城 望蔡 永修 建昌 吳平 豫

章 彭澤 艾 康樂 豐城 新吳 宜豐 鍾陵

臨川郡 吳置統縣十戶八千五百

臨汝 西豐 南城 東興 南豐 永成 宜黃 安浦 西

寧 新建

鄱陽郡 吳置統縣八戶六千二百

廣晉 鄱陽 樂安 餘汗 鄒陽 歷陵 葛陽 晉興

廬陵郡 吳置統縣十戶一萬二千二百

廬陵郡 吳置統縣十戶一萬二千二百

西昌 高昌 石陽 巴丘 南野 東昌 遂興 吉陽 興
平 陽豐

南康郡 太康三年置統縣
五戶一千四百

贛 雩都 平固 南康 揭楊

惠帝元康元年有司奏荆揚二州疆土廣遠統理尤難於是割揚州之豫章鄱陽廬陵臨川南康建安晉安荊州之武昌桂楊安成合十郡因江水之名而置江州永興元年分廬江之尋陽武昌之柴桑二縣置尋陽郡屬江州分淮南之烏江歷陽二縣置歷陽郡又以周玘創義討石冰割吳興之陽羨并長城縣之北鄉置義鄉國山臨津并陽羨四縣又分丹楊之永世置平陵及永世凡六縣立義興郡以表玘之功並屬揚州又以毗陵郡封東海王世子毗避毗諱改爲晉陵懷帝永嘉元年又以豫章之彭澤縣屬尋陽郡

愍帝立避帝諱改建鄴爲建康元帝渡江建都揚州改丹楊太守爲尹江州又置新蔡郡尋陽郡又置九江上甲二縣尋又省九江縣入尋陽是時司冀雍涼青并兗豫幽平諸州皆淪沒江南所得但有揚荆湘江梁益交廣其徐州則有過半豫州惟得譙城而已明帝太寧元年分臨海立永嘉郡統永寧安固松陽橫陽等四縣而揚州統丹楊吳郡吳興新安東陽臨海永嘉宣城義興晉陵十一郡自中原亂離遺黎南渡並僑置牧司在廣陵丹徒南城非舊土也及胡寇南侵淮南百姓皆渡江成帝初蘇峻祖約爲亂於江淮胡寇又大至百姓南渡者轉多乃於江南僑立淮南郡及諸縣又於尋陽僑置松滋郡遙隸揚州咸康四年僑置魏郡廣川高陽堂邑等諸郡并所統縣並寄居京邑改陵陽爲廣陵孝武寧康二年又分永嘉郡之永寧縣置樂成縣是時上黨百姓南渡僑立上

黨郡爲四縣寄居蕪湖尋又省上黨郡爲縣又罷襄城郡爲繁昌縣並以屬淮南安帝義熙八年省尋陽縣入柴桑縣柴桑仍爲郡後又省上甲縣入彭澤縣舊江州督荊州之竟陵郡及何無忌爲刺史表以竟陵去州遼遠去江陵三百里荊州所立綏安郡人戶入境欲資此郡助江濱戍防以竟陵郡還荊州又司州之弘農揚州之松滋二郡寄在尋陽人戶雜居並宜建督安帝從之後又省松滋郡爲松滋縣弘農郡爲弘農縣並屬尋陽郡

交州按禹貢揚州之域是爲南越之士秦始皇既略定揚越以謫戍卒五十萬人守五嶺自北徂南入越之道必由嶺嶠時有五處故曰五嶺後使任囂趙他攻越略取陸梁地遂定南越以爲桂林南海象等三郡非三十六郡之限乃置南海尉以典之所謂東南一尉也漢初以嶺南三郡及長沙豫章封吳芮爲長沙王十一

年以南武侯織爲南海王陸賈使還拜趙他爲南越王割長沙之南三郡以封之武帝元鼎六年討平呂嘉以其地爲南海蒼梧鬱林合浦日南九真交阯七郡蓋秦時三郡之地元封中又置儋耳珠崖二郡置交阯刺史以督之昭帝元始五年罷儋耳并珠崖元帝元初三年又罷珠崖郡後漢馬援平定交部始調立城郭置并邑順帝永和九年交阯太守周敞求立爲州朝議不許卽拜敞爲交阯刺史桓帝分立高興郡靈帝改曰高涼建安八年張津爲刺史士燮爲交阯太守共表立爲州乃拜津爲交州牧十五年移居番禺詔以邊州使持節郡給鼓吹以重城鎮加以九錫六佾之舞吳黃武五年割南海蒼梧鬱林三郡立廣州交阯日南九真合浦四郡爲交州戴良爲刺史值亂不得入呂岱擊平之復還并交部赤烏五年復置珠崖郡永安七年復以前三郡立廣州及孫皓又

立新昌武平九德三郡蜀以李恢為建寧太守遙領交州刺史晉平蜀以蜀建寧太守霍弋遙領交州得以便宜選用長吏平吳後省珠崖入合浦交州統郡七縣五十三戶二萬五千六百

合浦郡 漢置統縣六戶二千

合浦 南平 蕩昌 徐聞 毒質 珠官

交阯郡 漢置統縣十四戶一萬二千

龍編 苟扇 望海 羸樓 西于 武寧 朱鳶 曲易 交

興 北帶 稽徐 安定 南定 海平

新昌郡 吳置統縣六戶三千

麋泠 婦人徵側為主處馬援平之 嘉寧 吳定 封山 臨西 西道

武平郡 吳置統縣七戶三千

武寧 武興 進山 根寧 安武 扶安 封溪

九真郡 漢置統縣七戶三千

胥浦 移風 湛梧 建初 常樂 扶樂 松原

九德郡 吳置周時越常氏地統縣八無戶

九德 咸驩 南陵 陽遂 扶苓 曲胥 浦陽 都浚

日南郡 秦置象郡漢武帝改名焉統縣五戶六百

象林 自此南有四國其人皆云漢人子孫今有銅柱亦是漢置此為界貢金供稅也 盧容 象郡所居 朱吾 西卷 比景

廣州按禹貢揚州之域秦末趙他所據之地及漢武帝以其地為交阯郡至吳黃武五年分交州之南海蒼梧鬱林高梁四郡立為廣州俄復舊永安六年復分交州置廣州分合浦立合浦北部以都尉領之孫皓分鬱林立桂林郡及太康中吳平遂以荊州始安始興臨賀三部來屬合統郡十縣六十八戶四萬三千一百二十

南海郡 秦置統縣六 戶九千五百

番禺 四會 增城 博羅 龍川 平夷

臨賀郡 吳置統縣六 戶二千五百

臨賀 謝沐 馮乘 封陽 興安 富川

始安郡 吳置統縣 七戶六千

始安 始陽 平樂 荔浦 常安 熙平 永豐

始興郡 吳置統縣 七戶五千

曲江 桂陽 始興 含洎 浚陽 中宿 陽山

蒼梧郡 漢置統縣十二 戶七千七百

廣信 端溪 高要 建陵 新寧 猛陵 鄣平 農城

元谿 臨允 都羅 武城

鬱林郡 秦置桂郡漢武帝更名統縣九戶六千

布山 柯林 新邑 晉平 始建 鬱平 領方 武熙 安

桂林郡 吳置統縣 八戶二千

潭中 武豐 粟平 羊平 龍剛 夾陽 武城 軍騰

高涼郡 吳置統縣 三戶二千

安寧 高涼 思平

高興郡 吳置統縣五 戶一千二百

廣化 海安 化平 黃陽 西平

寧浦郡 吳置統縣五 戶一千一百二十

寧浦 連道 吳安 昌平 玉山

武帝後省高興郡懷帝永嘉元年又以臨賀始興始安三郡凡二十縣為湘州元帝分鬱林立晉興郡成帝分南海立東官郡以始

興臨賀三郡還屬荊州穆帝分蒼梧立晉康新寧永平三郡哀帝
太和中置新安郡安帝分東官立義安郡恭帝分南海立新會郡

晉書十五

志第五終

晉書十五
志第五終

晉書十六

志第六

律歷上

晉書十六
志第六

易曰形而上者謂之道形而下者謂之器夫神道廣大妙本於陰
陽形器精微義先於律呂聖人觀四時之變刻玉紀其盈虛察五
行之聲鑄金均其清濁所以遂八風而宣九德和大樂而成政道
然金質從革侈弇無方竹體圓虛修短利制是以神瞽作律用寫
鍾聲乃紀之以三平之以六成於十二天之道也又叶時日於晷
度效地氣於灰管故陰陽和則景至律氣應則灰飛灰飛律通吹
而命之則天地之中聲也故可以範圍百度化成萬品則虞書所
謂叶時月正日同律度量衡者也中聲節以成文德音章而和備
則可以動天地感鬼神導性情移風俗叶言志於詠歌鑒盛衰於

晉書十五

治亂故君子審聲以知音審音以知樂審樂以知政蓋由茲道太
史公律書云王者制事立物法度軌則一稟於六律六律爲萬事
之本其於兵械尤所重焉故云望敵知吉凶聞聲效勝負百王不
易之道也及秦氏滅學其道浸微漢室初興丞相張蒼首言音律
未能審備孝武帝創置協律之官司馬遷言律呂相生之次詳矣
及王莽之際考論音律劉歆條奏大率有五一日備數一十百千
萬也二曰和聲宮商角徵羽也三曰審度分寸尺丈引也四曰嘉
量籥合升斗斛也五曰權衡銖兩斤鈞石也班固因而志之蔡邕
又記建武已後言律呂者至司馬紹統採而續之漢末天下大亂
樂工散亡器法埋滅魏武始獲杜夔使定樂器聲調夔依當時尺
度權備典章及武帝受命遵而不革至泰始十年光祿大夫荀勗
奏造新度更鑄律呂元康中勗子藩嗣其事未及成功屬永嘉之

亂中朝典章咸沒於石勒及元帝南遷皇度草昧禮容樂器掃地
皆盡雖稍加採掇而多所淪胥終于恭安竟不能備今考古律相
生之次及魏武已後言音律度量者以志于篇云傳云十二律黃
帝之所作也使伶倫自大夏之西乃之崑崙之陰取竹之嶰谷生
其竅厚均者斷兩節間長三寸九分而吹之以爲黃鍾之宮曰含
少次制十二竹筩寫鳳之鳴雄鳴爲六雌鳴亦六以比黃鍾之宮
皆可以生之以定律呂則律之始造以竹爲管取其自然圓虛也
又云黃帝作律以玉爲管長尺六孔爲十二月音至舜時西王母
獻昭華之琯以玉爲之及漢章帝時零陵文學奚景於冷道舜祠
下得白玉琯又武帝太康元年汲郡盜發六國時魏襄王冢亦得
玉律則古者又以玉爲管矣以玉者取其體含廉潤也而漢平帝
時王莽又以銅爲之銅者自名也所以同天下齊風俗也爲物至

精不爲燥濕寒暑改節介然有常似士君子之行故用焉

周禮太師掌六律六呂以合陰陽之聲六律陽聲黃鍾太簇姑洗蕤賓夷則無射也六呂陰聲大呂應鍾南呂林鍾仲呂夾鍾也又有太師則執同律以聽軍聲而詔以吉凶其典司掌六律六呂之和以辯天地四方陰陽之聲以爲樂器皆以十有二律而爲之數度以十有二聲而爲之齊量焉及周景王將鑄無射問律於泠州鳩對曰夫六中之色故名之一曰黃鍾所以宣養六氣九德也由是第之二曰太簇所以金奏贊陽出滯也三曰姑洗所以羞潔百物考神納賓也四曰蕤賓所以安靜神人獻酬交酢也五曰夷則所以詠歌九德平人無貳也六曰無射所以宣布哲人之令德示人軌儀也爲之六間以揚沉伏而黜散越也元間大呂助宣物也二間夾鍾出四隙之細也三間中呂宣中氣也四間林鍾和展百

事俾莫不任肅純恪中也五間南呂贊陽秀也六間應鍾均利器用俾應復也此皆所以律述時氣效節物也及秦始皇焚書蕩覆典策缺亡諸子瓌言時有遺記呂不韋春秋言黃鍾之宮律之本也下生林鍾林鍾上生太簇太簇下生南呂南呂上生姑洗姑洗下生應鍾應鍾上生蕤賓蕤賓下生大呂大呂下生夷則夷則上生夾鍾夾鍾下生無射無射上生中呂中呂三分其所生益其一分以上生三分所生去其一分以下生後代之言音律者多宗此說及漢興承秦之弊張蒼首治律歷頗未能詳故孝武帝正樂乃置協律之官雖律呂清濁之體粗正金石高下之音有準然徒共摺採遺存以成一時之制而數猶用五時淮南王安延致儒博亦爲律呂云黃鍾之律九寸而宮音調因而九之九九八十一故黃鍾之數立焉位在子林鍾位在末其數五十四太簇其數七十二南呂

之數四十八姑洗之數六十四應鍾之數四十二蕤賓之數五十
七大呂之數七十六夷則之數五十一夾鍾之數六十八無射之
數四十五中呂之數六十極不生以黃鍾爲宮太簇爲商姑洗爲
角林鍾爲徵南呂爲羽宮生徵徵生商商生羽羽生角角生應鍾
不比正音故爲和應鍾生蕤賓不比正音故爲繆日冬至音比林
鍾浸以濁日夏至音比黃鍾浸以清十二律應二十四時之變甲
子中呂之徵也景子夾鍾之羽也戊子黃鍾之宮也庚子無射之
商也壬子夷則之角也其爲音也一律而生五音十二律而爲六
十音因而六之六六三十六故三百六十音以當一歲之日故律
歷之數天地之道也司馬遷八書言律呂粗舉大經著於前史則
以太極元氣函三爲一而始動於子十二律之生必所起焉於是
參一於丑得三因而九三之與本位合十辰得一萬九千六百八

十三謂之成數以爲黃鍾之法又參之律於十二辰得十七萬七
千一百四十七謂之該數以爲黃鍾之實實如法而一得黃鍾之
律長九寸十二月冬至之氣應焉蓋陰陽合德氣鍾於子而化生
萬物則物之生莫不函三故十二律空徑三分而上下相生皆損
益以三其術則因黃鍾之長九寸以下生者倍其實三其法以上
生者四其實三其法所以明陽下生陰陰上生陽
起子爲黃鍾九寸一

丑三分之一

寅九分之八

卯二十七分之十六

辰八十一分之六十四

巳二百四十三分之一百二十八

午七百二十九分之五百一十三

未二千一百八十七分之一千二十四

申六千五百六十一分之四千九十六

酉一萬九千六百八十二分之八千一百九十二

戌五萬九千四十九分之三萬二千七百六十八

亥十七萬七千一百四十七分之六萬五千五百三十六

如是周十二辰在六律爲陽則當位自得而下生陰在六呂爲陰則得其所衡而上生於陽推筭之術無重上生之法也所謂律取妻呂生子陰陽升降律呂之大經也而遷又言十二律之長今依淮南九九之數則蕤賓爲重上又言五音相生而以宮生角角生商商生徵徵生羽羽生宮求其理用罔見通途及元始中王莽輔政博徵通知鍾律者考其音義使羲和劉歆典領調奏班固漢書

採而志之其序論雖博而言十二律損益次第自黃鍾長九寸三分損一下生林鍾長六寸三分益一上生太簇而左旋八八爲位一上一下終於無射下生中呂校其相生所得與司馬遷正同班固採以爲志元帝時郎中京房知五音六十律之數上使太子太傅玄成諫議大夫章雜試問房於樂府房對受學於故小黃令焦延壽六十律相生之法以上生下皆三生二以下生上皆三生四陽下生陰陰上生陽終於中呂而十二律畢矣中呂上生執始執始下生去滅上下相生終於南呂六十律畢矣夫十二律之變至於六十猶八卦之變至於六十四也宓犧作易紀陽氣之初以爲律法建日冬至之聲以爲黃鍾爲宮太簇爲商姑洗爲角林鍾爲徵南呂爲羽應鍾爲變宮蕤賓爲變徵此聲氣之元五音之正也故統一日其餘以次運行當日者各自爲宮而商徵以類從焉禮

運曰五聲六律十二管還相爲宮此之謂也以六十律分葦之日黃鍾自冬至始及冬至而復陰陽寒燠風雨之占生焉於以檢攝羣音考其高下苟非草木之聲則無不有所合虞書曰律和聲此之謂也京房又曰竹聲不可以度調故作準以定數準之狀如瑟而長丈十三弦隱間九尺以應黃鍾之律九寸中央一弦下有畫分寸以爲六十律清濁之節房言律詳於歆所奏其術施行於史官侯部用之文多不悉載截管爲律吹以考聲列以效氣道之本也術家以其聲微而體難知其分數不明故作準以代之準之聲明暢易達分寸又粗然弦以緩急清濁非管無以正也均其中弦令與黃鍾相得按畫以求諸律則無不如數而應者矣續漢志具載其六十律準度數其相生之次與呂覽淮南同

漢章帝元和元年待詔候鍾律殷彤上言官無曉六十律以準調

音故待詔嚴嵩具以準法教子男宣願召宣補學官主調樂器詔曰嵩子學審曉律別其族協其聲者審試不得依託父學以聾爲聰聲微妙獨非莫知獨是莫曉以律錯吹能知命十二律其二中不失一乃爲能傳嵩學耳試宣十二律其二中其四不中其六不知何律宣遂罷自此律家莫能爲準

靈帝熹平六年東觀召典律者太子舍人張光等問準竟光等不知歸閱舊藏乃得其器形制如房書猶不能定其絃緩急音不可書以曉人知之者欲教而無從心達者體知而無師故史官能辯清濁者遂絕其可以相傳者唯候氣而已漢末紛亂亡失雅樂魏武時河南杜夔精識音韻爲雅樂郎中令鑄銅工柴玉鑄鍾其聲均清濁多不如法數改作玉甚饜之謂夔清濁任意更相訴白於魏武王魏武王取玉所鑄鍾雜錯更試然後知夔爲精於是

罪五

泰始十年中書監荀勗中書令張華出御府銅竹律二十五具部太樂郎劉秀等校試其三具與杜夔及左延年律法同其二十二具視其銘題尺寸是笛律也

問協律中郎將列和辭昔魏明帝時令和承受一笛聲以作此律欲使學者別居一坊歌詠講習依此律調至於都合樂時但識其尺寸之名則絲竹歌詠皆得均合歌聲濁者用長笛長律歌聲清者用短笛短律歌凡絃歌調張清濁之制不依笛尺寸名之則不可知也勗等奏昔先王之作樂也以振風蕩俗嚮神祐賢必協律呂之和以節八音之中是故郊祀朝宴用之有制歌奏分叙清濁有宜故曰五聲十二律還相爲宮此經傳記籍可得而知者也如和對辭笛之長短無所象則率意而作不由曲度考以正律皆不

相應吹其聲均多不諧合又辭先師傳笛別其清濁直以長短工人裁制舊不依律是爲作笛無法而和寫笛造律又令琴瑟歌詠從之爲正非所以稽古先哲垂憲于後者也謹條牒諸律問和意狀如左及依典制用十二律造笛象十二牧聲均調和器用便利講肄彈擊必合律呂況乎宴饗萬國奏之廟堂者哉雖伶夔曠遠至音難精猶宜儀形古者以求厥衷合乎經禮於制爲詳若可施用請更部笛工選竹造作下太樂樂府施行平議諸杜夔左延年律可皆留其御府笛正聲下徵各一具皆銘題作者姓名其餘無所施用還付御府毀奏可

勗又問和作笛爲可依十二律作十二笛令一孔依一律然後乃以爲樂不和辭亦樂東箱長笛正聲已長四尺二寸今當復取其下徵之聲於法聲濁者笛當長計其尺寸乃五尺有餘知昔日作

之不可吹也又笛諸孔雖不校試意謂不能得一孔輒應一律也案太樂四尺二寸笛正聲均應蕤賓以十二律還相爲宮推法下徵之孔當應律大呂大呂笛長二尺六寸有奇不得長五尺餘輒令大樂郎劉秀鄧昊等依作大呂笛以示和又吹七律一孔一校聲皆相應然後令郝生鼓箏宋同吹笛以爲雜引相和諸曲和乃辭曰自和父祖漢世以來笛家相傳不知此法而令調均與律相應實非所及也郝生魯基种整朱夏皆與和同

又問和笛有六孔及其體中之空爲七和爲能盡名其宮商角徵孔調與不調以何檢知和辭先師相傳吹笛但以作曲相語爲某曲當舉某指初不知七孔盡應何聲也若當作笛其仰尚方笛工依按舊像訖但吹取鳴者初不復校其諸孔調與不調也

按周禮調樂金石有一定之聲是故造鍾磬者先依律調之然後施於廂懸作樂之時諸音皆受鍾磬之均卽爲悉應律也至於饗宴殿堂之上無廂懸鍾磬以笛有一定調故諸絃歌皆從笛爲正是爲笛猶鍾磬宜必合於律呂如和所對直以意造率短一寸七孔聲均不知其皆應何律調無以檢正唯取竹之鳴者爲無法制輒部郎劉秀鄧昊王豔魏邵等與笛工參共作笛工人造其形律者定其聲然後器象有制音均和協

又問和若不知律呂之義作樂音均高下清濁之調當以何名之和辭每合樂時隨歌者聲之清濁用笛有長短假令聲濁者用三尺二笛因名曰此三尺二調也聲清者用二尺九笛因名曰此二尺九調漢魏相傳施行皆然按周禮奏六樂乃奏黃鍾歌大呂乃奏太簇歌應鍾皆以律呂之義紀歌奏清濁而和所稱以二尺三尺爲名雖漢魏用之俗而不典部郎劉秀鄧昊等以律作三尺二

寸者應無射之律若宜用長笛執樂者曰請奏無射二尺八寸四分四釐應黃鍾之律若宜用短笛執樂者曰請奏黃鍾則歌奏之義若合經禮考之古典於制為雅

書曰予欲聞六律五聲八音在治忽周禮國語載六律同禮記又曰五聲十二律還相為宮劉歆班固撰律歷志亦紀十二律惟京房始創六十律至章帝時其法已絕蔡邕雖追紀其言亦曰今無能為者依按古典及今音家所用六十律者無施於樂謹依典記以五聲十二律還相為宮之法制十二笛象記注圖側如別省圖不如視笛之孔故復重作蕤賓伏孔笛其制云

黃鍾之笛正聲應黃鍾下徵應林鍾長二尺八寸四分四釐有奇

正聲調法以黃鍾為宮則姑洗為角翁笛之聲應姑洗故以四角之長為黃鍾之笛也其宮聲正而不倍故曰正聲

應鍾為變宮第一 南呂為羽第二 林鍾為徵第三 蕤賓為變徵第四

附孔 姑洗為角笛體 太簇為商笛後出孔也商聲濁以角當在角下而角聲以在

也 正也餘聲皆倍也是改從宮以下孔轉濁也此章記 笛孔上下次第之名也下章說律呂相生笛之制也 正聲調法黃鍾為宮作黃鍾之

孔以姑洗及黃鍾律從笛首下度之盡 二律之長而為孔則得之宮聲者也 宮生徵黃鍾生林鍾以林鍾之律從宮孔下度

徵生商林鍾生太簇以太簇律從徵孔上度之盡 商生羽太簇生南呂也

以商呂律從商孔下度之 盡律為孔則得羽聲也 羽生角南呂生姑洗也以姑洗律從羽孔上行度之盡律

之上吹笛者左手前不及也從羽孔下行度之盡律而為孔亦得角聲也然則於商孔 右手所不逮也故不作角孔推而下之復倍其均是以角聲在笛體中古之制也音家舊法雖一 倍再倍但令均同適足為唱和之聲無害於曲均故

也國語曰瓠竹利器議宜謂便於事用從宜者也 角生變宮姑洗生應鍾也上句

當為角孔而出於商下者墨點識之以應律也 變宮生變徵應鍾生蕤賓也以蕤賓

從比點下行度之應律為孔則得變宮之聲也 變宮生變徵應鍾生蕤賓也律從變

宮下度之盡律為孔則得變徵之聲十二笛之制各以下徵調法林鍾為宮第四孔也

其宮為主相生之法或倍或半其便事用例皆一者也 下徵調法林鍾為宮本正聲黃

鍾之徵徵清當在宮上用笛之宜倍令濁下故曰下徵下徵更為 南呂為商第三孔也本正

宮者記所謂五聲十二律還相為宮也然則正聲清下徵為濁也 應鍾為角第二孔也本正聲黃

為下徵 應鍾為角變法令為下徵之角也 黃鍾為變徵下徵之調林鍾為宮大呂

大呂之聲故假用黃鍾以為變徵也假用之法當為變徵之聲則俱發黃鍾及太簇應鍾三孔黃 鍾應濁而太簇清大呂律在二律之間俱發三孔而徵應曉之則得大呂變徵之聲矣謂笛下徵

調求變徵之法皆如此也 **太簇為徵** 笛後出孔本正聲之 **姑洗為羽** 笛體中翕聲本正聲 **蕤賓為變宮** 附孔是也本正聲之變徵也今為下徵之變宮也然則正聲之調孔轉下轉濁下徵之調孔轉上轉清也 **清角之調以姑**

洗為宮 即是笛體中翕聲於正聲為角於下徵為羽清角之調乃以為 **蕤賓為商** 正

林鍾為角 非正 **南呂為變徵** 非正 **應鍾為徵** 正 **黃鍾為羽** 非正 **太簇**

為變宮 非正也清角之調準宮商及徵與律相應餘四聲非正者音濁一律哨吹令清假而用之其例一也

凡笛體用角律其長者八之 蕤賓林 **短者四之** 其餘下笛皆四角也 **宮中實容長**

者十六 短笛竹宜受八律之黍也若長短大小不合於此或器用不便聲均法度 **三宮** 正聲二曰下徵三曰清角也 **二十一變也** 宮有七聲錯綜用之故二十 **伏孔四所以使用事**

也 一曰正角出於商上者也二曰倍角近笛下者也三曰變宮近於宮孔倍令下者也四曰變徵遠於徵孔倍令高者也或倍或半或四分一取則於琴徵也四者皆不作其孔而取其度以近進退上下之法所以協聲均便事用也其本孔隱而不見故曰伏孔也

大呂之笛正聲應大呂下徵應夷則長二尺六寸六分三釐有奇

太簇之笛正聲應太簇下徵應南呂長二尺五寸三分一釐有奇

夾鍾之笛正聲應夾鍾下徵應無射長二尺四寸有奇

姑洗之笛正聲應姑洗下徵應鍾長二尺二寸三分三釐有奇

蕤賓之笛正聲應蕤賓下徵應大呂長三尺九寸九分五釐有奇

變宮近宮孔故倍半令下便於用也林鍾亦如之

林鍾之笛正聲應林鍾下徵應太簇長三尺七寸九分七釐有奇

夷則之笛正聲應夷則下徵應夾鍾長三尺六寸 變宮之法亦如蕤賓體用四角故四分益一也

南呂之笛正聲應南呂下徵應姑洗長三尺三寸七分有奇

無射之笛正聲應無射下徵應中呂長三尺二寸有奇

應鍾之笛正聲應應鍾下徵應蕤賓長三尺九寸九分六釐有奇

五音十二律

土音宮數八十一為聲之始屬土者以其最濁君之象也季夏之

氣和則宮聲調宮亂則荒其君驕黃鍾之宮律最長也

五音十二律

火音徵三分宮去一以生其數五十四屬火者以其徵清事之象也也復氣和則徵聲調徵亂則哀其事勤也

金音商三分徵益一以生其數七十二屬金者以其濁次宮臣之象也秋氣和則商聲調商亂則訖其官壞也

水音羽三分商去一以生其數四十八屬水者以為最清物之象也冬氣和則羽聲調羽亂則危其財匱也

木音角三分羽益一以生其數六十四屬木者以其清濁中人之象也春氣和則角聲調角亂則憂其人怨也

凡聲尊卑取象五行數多者濁數少者清大不過宮細不過羽

十一月律中黃鍾律之始也長九寸仲冬氣至則其律應所以宣揚六氣九德也班固三分損一下生林鍾

十二月律中大呂司馬遷未下生之律長四寸二百四十三分寸

之五十二倍之為八寸分寸之一百四季冬氣至則其律應所以助宣物也三分益一上生夷則京房三分損一下生夷則

正月律中太簇未上生之律長八寸孟春氣至則其律應所以贊陽出滯也三分損一下生南呂

二月律中夾鍾西下生之律長三寸二千一百八十七分寸之一千六百三十一倍之為七寸分寸之一千七十五仲春氣至則其律應所以出四隙之細也三分益一上生無射京房三分損一下生無射

三月律中姑洗酉上生之律長七寸九分寸之一季春氣至則其律應所以修潔百物考神納賓也三分損一下生應鍾

四月律中中呂亥下生之律長三寸萬九千六百八十三分寸之六千四百八十七倍之為六寸分寸之萬二千九百七十四孟夏

氣至則其律應所以宣中氣也

五月律中蕤賓亥上生之律長六寸八十一分寸之二十六仲夏氣至則其律應所以安靜人神獻酬交酢也三分損一下生大呂京房三分益一上生大呂

六月律中林鍾丑下生之律長六寸季夏氣至則其律應所以和展百物俾莫不任肅純恪也三分益一上生太簇

七月律中夷則丑上生之律長五寸七百分之二十九分寸之四百五十一孟秋氣至則其律應所以詠歌九則平百姓而無貸也三分損一下生夾鍾京房三分益一上生夾鍾

八月律中南呂卯下生之律長五寸三分寸之一仲秋氣至則其律應所以贊陽季也三分益一上生姑洗

九月律中無射卯上生之律長四寸六分千五百六十一分寸之

六千五百二十四季秋氣至則其律應所以宣布哲人之令德示人軌儀也三分損一下生中呂京房三分益一上生中呂

十月律中應鍾巳下生之律長四寸二十七分寸之二十五孟冬氣至則其律應所以均利器用俾應復也三分益一上生蕤賓

淮南京房鄭玄諸儒言律歷皆上下相生至蕤賓又重上生大呂長八寸二百四十三分寸之百四夷則上生夾鍾長七寸千一百八十七分寸之千七十五無射上生中呂長六寸萬九千六百八十三分寸之萬二千九百七十四此三品於司馬遷班固所生之寸數及分皆倍焉餘則並同斯則泠州鳩所謂六間之道揚沉伏黜散越假之爲用者也變通相半隨事之宜贊助之法也

凡音聲之體務在和韻益則加倍損則減半其於本音恒爲無爽然則言一上一下者相生之道言重上生者吹候之用也於蕤賓

重上生者適會為用之數故言律者因焉非相生之正也

楊子雲曰聲生於日

謂甲巳為角乙庚為商景辛為徵丁壬為羽戊癸為宮也

律生於辰

謂子為黃鍾丑為大呂之屬也

以情質

質青也各以其行本情為正也

律以和聲

當以律管鍾均和其清濁之聲

聲律相協而八音生

協和也

宮商角徵羽謂之五聲金石匏革絲竹土木謂之八音聲和音諧是謂五樂夫陰陽和則景至律氣應則灰除是故天子常以冬夏至日御前殿合八能之士陳八音聽樂均度晷景候鍾律權土灰效陰陽冬至陽氣應則灰除是故樂均清景長極黃鍾通土灰輕而衡仰夏至陰氣應則樂均濁景短極蕤賓通土灰重而衡低進退於先後五日之中八能各以候狀聞太史令封上效則和否則占

候氣之法為室三重戶閉塗罫周密布緹幔室中以木為案每律各一內房中外高從其方位加律其上以葭莖灰抑其內端案歷而候之氣至者灰去其為氣所動者其灰散人及風所動者其灰聚殿中候用玉律十二惟二至乃候靈臺用竹律楊泉記云取弘農宜陽縣金門山竹為管河內葭莖為灰或云以律著室中隨十二辰埋之上與地平以竹葦灰實律中以羅縠覆律呂氣至吹灰動縠小動為和大動君弱臣強不動君嚴暴之應也

審度
起度之正漢志言之詳矣武帝泰始九年中書監荀勗校大樂八音不和始知後漢至魏尺長於古四分有餘勗乃部著作郎劉恭依周禮制尺所謂古尺也依古尺更鑄銅律呂以調聲韻以尺量古器與本銘尺寸無差又汲郡盜發六國時魏襄王冢得古周時玉律及鍾磬與新律聲韻闇同于時郡國或得漢時故鍾吹律命之皆應勗銘其尺曰晉泰始十年中書考古器揆校今尺長四分

半所校古法有七品一曰姑洗玉律二曰小呂玉律三曰西京銅
望臬四曰金錯望臬五曰銅斛六曰古錢七曰建武銅尺姑洗微
疆西京望臬微弱其與此尺同銘八十二字此尺者最新尺也今
尺者杜夔尺也

荀勗造新鍾律與古器諧韻時人稱其精密惟散騎侍郎陳留阮
咸譏其聲高聲高則悲非與國之音亡國之音哀以思
其人困今聲不合雅懼非德正至和之音必古今尺有長短所致
也會咸病卒武帝以勗律與周漢器合故施用之後始平掘地得
古銅尺歲久欲腐不知所出何代果長勗尺四分時人服咸之妙
而莫能厝意焉

史臣按勗於千載之外推百代之法度數既宜聲韻又契可謂切
密信而有徵也而時人寡識據無聞之一尺忽周漢之兩器雷同
臧否何其謬哉世說稱有田父於野地中得周時玉尺便是天下
正尺荀勗試以校已所治金石絲竹皆短校一米又漢章帝時零
陵文學史奚景於冷道舜祠下得玉律度以爲尺相傳謂之漢官
尺以校荀勗尺勗尺短四分漢官始平兩尺長短度同又杜夔所
用調律尺比勗新尺得一尺四分七釐魏景元四年劉徽注九章
云王莽時劉歆斛尺弱於今尺四分五釐比魏尺其斛深九寸五
分五釐卽荀勗所謂今尺長四分半是也元帝後江東所用尺比
荀勗尺一尺六分二釐趙劉曜光初四年鑄渾儀八年鑄土圭其
尺比荀勗尺一尺五分荀勗新尺惟以調音律至於人間未甚流
布故江左及劉曜儀表並與魏尺略相依準

嘉量

周禮粟氏爲量鬴深尺內方尺而圓其外其實一鬴其鬻一寸其

實一豆其工三寸其實一升重一鈞其聲中黃鍾槩而不稅其銘曰時文思索允臻其極嘉量既成以觀四國永啓厥後茲器維則春秋左氏傳曰齊舊四量豆區鬴鍾四升曰豆各自其四以登於鬴四豆爲區區斗六升也四區爲鬴六斗四升也鬴十則鍾六十四斗也鄭玄以爲鬴方尺積千寸比九章粟米法少二斗八十一分升之二十二以算術考之古斛之積凡一千五百六十二寸半方尺而圓其外減傍一釐八毫其徑一尺四寸一分四毫七抄二忽有奇而深尺卽古斛之制也

九章商功法程粟一斛積二千七百寸米一斛積一千六百二十七寸菽荅麻麥一斛積二千四百三十寸此據精麤爲率使價齊而不等其器之積寸也以米斛爲正則同于漢志

魏陳留王景元四年劉徽注九章商功曰當今大司農斛圓徑一

尺三寸五分五釐深一尺積一千四百四十一寸十分寸之三王莽銅斛於今尺爲深九寸五分五釐徑一尺三寸六分八釐七毫以徽術計之於今斛爲容九斗七升四合有奇魏斛大而尺長王莽斛小而尺短也

衡權

衡權者衡平也權重也衡所以任權而均物平輕重也古有黍索錘錙銀鈞鏘溢之因歷代參差漢志言衡權名理甚備自後變更其詳未聞元康中裴頠以爲醫方人命之急而稱兩不與古同爲害特重宜因此改治權衡不見省趙石勒十八年七月造建德殿得圓石狀如水碓銘曰律權石重四鈞同律度量衡有辛氏造續咸議是王莽時物

魏書卷之六

晉書十七

志第七

律歷中

魏書卷之七

昔者聖人擬宸極以運璿璣揆天行而序景曜分辰野辨躔歷敬農時興物利皆以繫順兩儀紀綱萬物者也然則觀象設卦扞閏成爻歷數之原存乎此也逮乎炎帝分八節以始農功軒轅紀三綱而闡書契乃使羲和占日常儀占月車區占星氣伶倫造律呂大撓造甲子隸首作算數容成綜斯六術考定氣象建五行察發歛起消息正閏餘述而著焉謂之調歷洎于少昊則鳳鳥司歷顓頊則南正司天陶唐則分命羲和虞舜則因循堯法及夏殷承運周氏應期正朔既殊創法斯異傳曰火出於夏為三月於商為四月於周為五月是故天子置日官諸侯有日御以和萬國以協三

辰至乎寒暑晦明之徵陰陽生殺之數啓閉升降之紀消息盈虛之節皆應躔次而無淫流故能該浹生靈堪輿天地周德旣衰史官失職疇人分散機祥不理秦并天下頗推五勝自以獲水德之瑞用十月爲正漢氏初興多所未暇百有餘載襲秦正朔爰及武帝始詔司馬遷等議造漢歷乃行夏正其後劉歆更造三統以說左傳辯而非實班固惑之采以爲志逮光武中興太僕朱浮數言歷有乖謬于時天下初定未能詳考至永平之末改行四分七十七餘年儀式乃備及光和中乃命劉洪蔡邕共修律歷其後司馬彪因之以繼班史今采魏文黃初已後言歷數行事者以續司馬彪云

漢靈帝時會稽東部尉劉洪考史官自古迄今歷注原其進退之行察其出入之驗規一作視其往來度其終始始悟四分於天踈闕

皆斗分太多故也更以五百八十九爲紀法百四十五爲斗分作乾象法冬至日日在斗二十二度以術追日月五星之行推而上則合於古引而下則應於今其爲之也依易立數道行相號潛處相求名爲乾象歷又創制日行遲速兼考月行陰陽交錯於黃道表裏日行黃道於赤道宿度復進有退方於前法轉爲精密矣獻帝建安元年鄭玄受其法以爲窮幽極微又加注釋焉

魏文帝黃初中太史令高堂隆復詳議歷數更有改革太史丞韓翊以爲乾象減斗分大過後當先天造黃初歷以四千八百八十三爲紀法千二百五十爲斗分其後尚書令陳羣奏以爲歷數難明前代通儒多共紛爭黃初之元以四分歷久遠疏闊大魏受命宜改歷明時韓翊首建猶恐不審故以乾象互相參校其所校日月行度弦望朔晦校歷三年更相是非無時而決案三公議皆綜

盡典理殊塗同歸欲使效之璿璣各盡其法一年之間得失足定
奏可

太史令許芝云劉洪月行術用以來且四十餘年以復覺失一辰
有奇孫欽議史遷造太初其後劉歆以爲疏復爲三統章和中改
爲四分以儀天度考合符應時有差落日蝕覺過半日至平中劉
洪改爲乾象推天七曜之符與天地合其序

董巴議云聖人迹太陽於晷景効太陰於弦望明五星於見伏正
是非於晦朔弦望伏見者歷數之綱紀檢驗之明者也

徐岳議劉洪以歷後天潛精內思二十餘載參校漢家太初三統
四分歷術課弦望於兩儀郭閭而月行九歲一終謂之九道九章
百七十一歲九道小終九九八十一章五百六十七分而九終進
退牛前四度五分學者務追合四分但減一道六十三分分不下

通是以疎濶皆由斗分多故也課弦望當以昏明度月所在則知
加時先後之意不宜用兩儀郭閭洪加太初元十二紀減十斗下
分元起已丑又爲月行遲疾交會及黃道去極度五星術理實粹
密信可長行今韓翊所造皆用洪法小益斗下分所錯無幾翊所
增減致亦留思然十術新立猶未就悉至於日蝕有不盡效歷
之要一無下
要字要在日蝕熹平之際時洪爲郎欲改四分先上驗日蝕
日蝕在晏加時在辰蝕從下上三分侵二事御之後如洪言海內
識真莫不聞見劉歆以來未有洪比夫以黃初二年六月二十七
日戊辰加時未日蝕乾象術加時申半強於消息就加未黃初以
爲加辛強乾象後天一辰半強爲近黃初二辰半爲遠消息與天
近

三年正月景寅朔加時申北日蝕黃初加酉弱乾象加午少消息

加未黃初後天半辰近乾象先天二年少弱於消息先天一辰強為遠天

三年十一月二十九日庚寅加時西南維日蝕乾象加未初消息加申黃初加未強乾象先天一辰遠黃初先天半辰近消息乾象近中天

二年七月十五日癸未日加壬月景蝕乾象月加申消息加未黃初月加子強入甲申日乾象後天二辰消息後一辰為近黃初後天六辰遠

三年十月十五日乙巳日加丑月加未蝕乾象月加巳半於消息加午黃初以景午月加酉強乾象先天二辰近黃初後天二辰強為遠於消息於乾象先一辰

凡課日月蝕五事乾象四遠黃初一近翊於課難徐岳乾象消息但可減不可加加之無可說不可用岳云本術自有消息受師法以消息為奇辭不能改故列之正法消息翊術自疎

木以三年五月二十四日丁亥晨見

黃初五月十七日庚辰見先七日
乾象五月十五日戊寅見先九日

土以二年十一月二十五日壬辰見

乾象十一月二十八日丁亥見先五日
黃初十一月十八日甲申見先八日

土以三年十月十一日壬申伏

乾象同壬申伏黃初已下
十月八日戊辰伏先四日

土以三年十一月二十二日壬子見

乾象十一月十五日乙巳見先七日
黃初十一月十二日壬寅見先十日

金以三年閏六月十五日丁丑晨伏

乾象六月二十五日戊午伏先十九日
黃初六月二十二日乙卯伏先二十三日

金以三年九月十一日壬寅見

乾象以八月十八日庚辰見先二十三日
黃初八月十五日丁丑見先二十五日

水以二年十一月十七日癸未晨見

乾象十一月十三日巳卯見先四日
黃初十一月十二日戊寅見先五日

水以二年十二月十三日巳酉晨伏

乾象十二月十五日辛亥伏後三日
黃初十二月十四日庚戌伏後二日

水以三年五月十八日辛巳夕見

乾象亦以五月十八日見
黃初五月十一日庚辰見先一日

水以三年六月十三日景午伏

乾象六月二十日癸丑伏後七日
黃初六月十九日壬子伏後六日

水以三年閏六月二十五日丁亥晨見

乾象以閏月九日辛未見先十六日
黃初閏月八日庚午見先十七日

水以三年七月七日巳亥伏

乾象七月十一日癸卯伏後四日
黃初以七月十日壬寅伏後三日

水以三年十一月一日於晷度十四日甲辰伏

乾象以十一月九日巳亥伏先五日
黃初十月八日戊戌伏先六日

水以三年十二月二十八日戊子夕見

二歷同以十二月壬
申見俱先十六日

凡四星見伏十五

乾象七近二中
黃初五近一中

郎中李恩議以太史天度與相覆校二年七月三年十一月望與天度日皆差異月蝕加時乃後天六時半非從三度之謂定為後天過半日也

董巴議曰昔伏羲始造八卦作三畫以象二十四氣黃帝因之初作調歷歷代十一更年五千凡有七歷顓頊以今之孟春正月為

元其時正月朔旦立春五星會于天歷營室也冰凍始泮蟄虫始發雞始三號天曰作時地曰作昌人曰作樂鳥獸萬物莫不應和故顓頊聖人爲歷宗也湯作殷歷弗復以正月朔旦立春爲節也更以十一月朔旦冬至爲元首下至周魯及漢皆從其節據正四時夏爲得天以承堯舜之顓頊故也禮記大戴曰虞夏之歷建正於孟春此之謂也

楊偉請六十口中疏密可知不待十年若不從法是校方員棄規矩考輕重背權衡課長短廢尺寸論是非違分理若不先定校歷之本法而懸聽棄法之末爭則孟軻所謂方寸之基可使高於岑樓者也今韓翊據劉洪術者知貴其術珍其法而棄其論背其術廢其言違其事是非必使洪竒妙之式不傳來世若知而違之於挾故而背師也若不知據之是爲挾不知而罔知也校議未定會

帝崩而寢至明帝景初元年尚書郎楊偉造景初歷表上帝遂改正朔施行偉歷以建丑之月爲正改其年三月爲孟夏其孟仲季月雖與夏正不同至於郊祀蒐狩班宣時令皆以建寅爲正三年正月帝崩復用夏正其劉氏在蜀仍漢四分歷吳中書令闕澤受劉洪乾象法於東萊徐岳又加解注中常侍王蕃以洪術精妙用推渾天之理以制儀象及論故孫氏用乾象歷至吳亡

武帝踐阼泰始元年因魏之景初歷改名泰始歷楊偉推五星尤踈濶故元帝渡江左以後更以乾象五星法代偉歷自黃初已後改作歷術皆斟酌乾象所減斗分朔餘月行陰陽遲疾以求折衷洪術爲後代推步之師表故先列之云

乾象歷

上元已丑以來至建安十一年景戌歲積七千三百七十八年

乾法千一百七十

會通七千一百七十一

紀法五百八十九

周天二十一萬五千一百四十

通法四萬三千二十六

通數四十一

日法四百五十七

歲中十二

餘歲三千九十

章歲十九

沒法百三

章閏七

會數四十七

會歲八百九十三

章月二百四十五

會率千八百八十二

朔望合數九百四十一

會日萬一千四十五

紀月七千二百八十五

元月一萬四千五百七十

月周七千八百七十四

小周二百五十四

推入紀

置上元盡所求年以乾法除之不滿乾法以紀法除之餘不滿紀

法者入內紀甲子年也滿法去之入外紀甲午年也

推朔

置入紀年外所求以章月乘之章歲而一所得為定積月不盡為閏餘閏餘十二以上歲不閏以通法乘定積月為假積日滿日法為定積日不盡為小餘以六旬去積日為大餘命以所入紀算外所求年天正十一月朔日也

求次月加大餘二十九小餘七百七十三小餘滿日法從大餘小餘六百八十四已上其月大

推冬至

置入紀年外所求以餘數乘之滿紀為大餘不盡為小餘以六旬去之命以紀算外天正冬至日也
求二十四氣

置冬至小餘加大餘十五小餘五百一十五滿二千三百五十六從大餘命如法

推閏月

以閏餘減章歲餘以歲中乘之滿章閏為一月不盡半法已上亦一有進退以無中月

推弦望

加大餘七小餘五百五十七半小餘如日法從大餘餘命如前得上弦又加得望又加得下弦又加得後月朔其弦望定小餘四百一以下以百刻乘之滿日法得一刻不盡什之求分以課所近節氣夜漏未盡以算上為日

推沒

置入紀年外所求以餘數乘之滿紀法為積沒有餘加盡積為一

以會通乘之滿沒法為大餘不盡為小餘大餘命以紀算外冬至後沒日求次沒加大餘六十九小餘六十滿其法從大餘無分為

一作減無

推日度

以紀法乘積日滿周天去之餘以紀法除之所得為度命度以牛前五度起宿次除之不滿宿即天正夜半日所在

求次日加一度經斗除分少損一度為紀法加焉

推月度

以月周乘積日滿周天去之餘滿紀法為度不盡為分命如上則天正朔夜半月所在度

求次月小月加度二十二分二百五十八大月又加一日度十三分二百一十七滿法得一度其冬下旬夕在張心署之

推合朔度

以章歲乘朔小餘滿會數為大分不盡小分以大分從朔夜半日分滿紀法從度命如前天正合朔日月所共會也

求次月加度二十九大分三百一十二小分滿會數從大分大分滿紀法後度經斗除大分

求弦望日

一作月

所在度加合朔度七分二百二十五小分十七半

大小分及度命如前則上弦日所在度又加得望下弦後月合

求弦望月行所在度加合朔度九十八大分四百八小分四十一大小分及度命如前合朔則上弦月所在又加得望下弦後月合

求日月昏明度日以紀法月以月周乘所近節氣夜漏二百而一為明分日以減紀法月以減月周餘為昏分各以加夜半如法為度

推月蝕

置上元年外所求以會歲去之其餘年以會率乘之如會歲為積蝕有餘加積一會月乘之如會率為積月不盡為月餘以章閏乘餘年滿章月為積閏以減積月餘以歲中去之不盡數起天正求次蝕加五月月餘千六百三十五五滿會率得一月月以望推卦用事日

因冬至大餘倍其小餘坎用事日也加小餘千七十五滿乾法從大餘中孚用事日也

求坎卦各加大餘六小餘百三其四正各因其中日而倍其小餘推五行用事

置冬至大小餘加大餘二十七小餘九百二十七滿二千三百五十六從大餘得土用事日也加大餘十八小餘六百一十八得立

春木用事日加大餘七十三小餘百一十六復得土又加土如得其火金水放此

推加時

以十二乘小餘滿其法得一度辰數從子起算外朔弦望以定小餘

推漏刻

以百乘小餘滿其法得一刻不盡什之求分課所近節氣起夜分盡夜上水未盡以所近言之推有進退進加退減所得也進退有差起分度後二率四度轉增少少每半者三而轉之差滿三止歷五度而減如初

月行三道術

月行遲疾周進有恒會數從天地凡數乘餘率自乘如會數而一

為過周分以從周天月周除之歷日數也遲疾有衰其變者勢也
 以衰減加月行率為日轉度分衰左右相加為損益率益轉相益
 損轉相損盈縮積也半小周乘通法如通數而一以歷周減焉為
 朔行分也

日轉度分

列表

損益率

盈縮積

月行分

一日十四度分十

一退減

益二十二

盈初

三百七十六

二日十四度分九

二退減

益二十二

盈二十二

二百七十五

三日十四度分七

三退減

益十九

盈四十三

二百七十三

四日十四度分四

四退減

益十六

盈六十三

二百七十

五日十四度分八

四退減

益十二

盈七十八

二百六十六

六日十三度分十五

四退減

益八

盈九十

二百六十二

七日十三度分十一

四退減

益四

盈九十八

二百五十八

八日十三度分七

四退減

損四

盈百一

二百五十四

九日十三度分三

四退減

損四

盈百一

二百五十

盈百一

損四

十日十二度分十八

三退減

損八

盈九十八

二百四十六

十一日十二度分十五

四退加

損十一

盈九十

二百四十三

十二日十二度分十一

三退加

損十五

盈七十九

二百四十九

十三日十二度分八

二退加

損十八

盈六十四

二百四十六

十四日十二度分六

一退加

損二十

盈三十六

二百三十四

十五日十二度分五

二退加

損二十一

盈二十六

二百三十三

十六日十二度分六

二退減

損二十損不足及減五為益盈有五謂益而

損縮初二
十故不足

盈五縮初

二百四十四

十七日十二度分八

三退減

益十八

縮十五

二百三十六

十八日十二度分十一

四進減

益十五

縮三十三

一百三十九

十九日十二度分十五

三進減

益十一

縮四十八

三百四十三

二十日十二度分十八

四進減

益八

縮五十九

二百四十六

二十一日十三度分三

四進減

四

縮六十七

二百五十

二十二日十三度分七

四進加

損

縮七十一

二百五十四

二十三日十三度分十一

四進加

損四

縮七十一

二百五十八

二十四日十三度分十五

四進加

損八

縮六十七

二百六十二

二十五日十四度

四進加

損十三

縮五十九

二百六十六

二十六日十四度分四

三進加

損十六

縮三十七

二百七十

二十七日十四度分七

三歷初進加
三大周日

損十九

縮三十一

二百七十三

周日十四度分九

少進加

損二十一

縮十二

二百七十五

周日分三千三百三

周虛二千六百六十六

周日法五千九百六十九

通周十八萬五千三十九

歷周十六萬四千四百六十六

少大法一千一百一

朔行大分一千八百一

周半一百二十七

推合朔入歷

以上元積月乘朔行大小分滿通數四十一從大分大分滿歷周去之餘滿周法得一日不盡為日餘日餘命竿外所求合朔入歷也

求次月加一日日餘五千二百三十三分二十五

求弦望各加七日日餘二千八百八十三小分二十九半分各如法成日日滿二十七去之餘如周分不足除減一日加周虛

求弦望定大小餘

置所入歷盈縮稱以通周乘之為實令通數乘日餘分以乘損益率以損益實為加時盈縮也章歲減月行分乘周半為差法以除之所得盈減縮加大小餘一重出小餘字如日法盈不足朔加時在前後日弦望進退大餘為定小餘

求朔弦望加時定度

以章歲乘加時盈縮差法除之所得滿會數為盈縮大小以盈減縮加本日月所在盈不足以紀法進退度為日月所在定度分推月行夜半入歷

以周半乘朔小餘如通數而一以減入歷日餘餘不足加周法而減焉却一日却得周日加其分即得夜半入歷

求次日轉一日因日餘到二十七日日餘滿周日分去之不直周日也其不滿直之加周虛於餘餘皆次日入歷日餘也

求月夜半定度

以夜半入歷日餘乘損益率如周法得一不盡為餘以損益盈縮積餘無所損破全為法損之為夜半盈縮也滿章歲為度不盡為分通數乘分及餘餘如周法從分分滿紀法從度以盈加縮減本夜半度及餘為定度

求變衰法

以入歷日餘乘列衰如周法得一不盡為餘即各知其日變衰也

求次歷
以周虛乘列衰如周法為常數歷竟輒以加率衰滿列衰去之轉為次歷率衰也

求次日夜半定度

以變衰進加退減歷日轉分分盈不足章歲出入度也通數乘分及餘而日轉加夜定度為次日也竟歷不直周日減餘千三十八乃以通數乘之直周日者加餘八百三十七又以少大分八百九十九加次歷變衰轉求如前

求次日夜半盈縮

以變衰減加損益率為變損日益而以轉損益夜半盈縮歷竟損

不足反減為入次歷減加餘如上數

求昏明月度

以歷月行分乘所近節氣夜漏二百而一為分以減月行分為昏分分如章歲為度以通數乘分以昏後以明加夜半定度餘分半法以上成不滿廢之

求月行遲疾

月經四表出入三道交錯分天以月率除之為歷之日周天乘朔望合如會月而一朔合分也通數乘合數餘如會數而一退分也以從月周為日進分會數而一為差率也

陰陽歷

衰

損益率

兼數

一日

一減

益十七

初

二日

一減

益十六

十七

三日	三減	益十五	三十七
四日	四減	益十二	三十八
五日	四減	益八	六十
六日	三減	益四	六十八
七日	三減	益一	七十二
八日	四加	損二	七十三
九日	四加	損六	七十一
十日	三加	損十	六十五
十一日	二加	損十三	五十五
十二日	一加	損十五	三十二
十三日	此為後限一加	損十六	大二十七
分日	少加小者	損十六	大十一

減不足反損為加謂
益有當加減三為不足
過極損之謂且行率周
度已過極則當損之

限餘三九百十三
徵分二千七百五十二
歷初
大分日

五千二百而三

少大法四百七十三

歷周十萬七千五百六十五

差率萬一千九百八十六

朔合分萬八千三百二十八

徵分九百一十四

徵分法二千二百九

推朔入陰陽歷

以會月去上元積月餘以朔合分定徵分各乘之徵分滿其法從合分合分滿周天去之其餘不滿歷周者為入陽歷餘去之餘為入陰歷餘皆如月周得一日算外所求月合朔入歷不盡為日餘求次月

加二日日餘二千五百八十徵分九百一十四如法成日滿十三

去之除餘如分日陰陽歷竟互入端入歷在前限餘前後限後者
月行中道也

求朔望定數

各置入遲疾歷盈縮大小分會數乘小分爲徵盈減縮加陰陽日
餘日餘盈不足進退日而定以定日餘乘損益率如月周得一以
損益數爲加時定數

推夜半入歷

以差率乘朔小餘如徵分法得一以減入歷日餘不足加月周而
減之却得分日加其分以會數約徵分爲小分卽朔日夜半入歷
日日餘三十一小分如會數從會餘餘滿月周去之又加一日歷
竟下日餘滿分日去之爲入歷初也不滿分日者直之加餘二千
七百二小分三十一爲入次歷

求夜半定日

以通數乘入遲疾歷夜半盈縮及餘餘滿半爲小分以盈加縮減
入陰陽日餘日盈不足以月周進退日而定也以定日餘乘損益
兼數爲夜半定數也

求昏明數

以損益率乘所近節氣夜漏二百而一爲明以減損益率爲昏而
以損益夜半數爲昏明定數

求月去極度

置加時若昏明定數以十二除之爲度其餘三日而一爲少不盡一爲
強二少弱也所得爲月去黃道度也其陽歷以加日所在黃道歷去極
度陰歷以減之則月去極度強正弱負強弱相并同名相從異名
相消其相減也同名相消異名相從無對互之二強進少而弱

上元巳丑以來至建安十一年景戌歲積七千三百七十八
巳丑 戊寅 丁卯 景辰 乙巳 甲午 癸未 壬申
辛酉 庚戌 巳亥 戊子 丁丑 景寅
推五星

五行木歲星火熒惑土填星金太白水辰星各以終日與天度相
約為日率章歲乘周為月法章月乘日為月分分如法為月數通
數乘月法日度法也升分乘周率為升分日度法用紀法乘同
率故此同以分乘之

五星朔大餘小餘以通法名乘月數日法各除之為
大餘不盡為小餘以六十去大餘

五星入月日日餘各以通法乘月餘以合月法朔小餘并之
會數約之所得各以日度法除之則皆昇

生度數度餘減多為度餘分以周天乘之以日度法約之
所得為度不盡為度餘過周天法之及十分

紀月七千二百八十五 章閏七

章月二百三十五

歲中十二

通法四萬三千二十六

日法千四百五十七

會數四十七

周天二十一萬五千一百三十

升分一百四十五

木

周率六千七百二十二

日率七千三百四十一

合月數十三

月餘六萬四千八百一

合月法十二萬七千七百一十八

日度法三百九十五萬九千二百五十八

朔大餘二十三

朔小餘一千三百七

入月日十五

日餘三百三十八萬四千四十六

朔虛分一百五十

升分九十七萬四千六百九十

度數三十三

度餘二百五十萬九千九百五十六

火

周率三千四百七

日率七千二百七十一

合月數二十六

月餘二萬五千六百二十七

合月法六萬四千七百三十三

日度法二百萬六千七百二十三

朔大餘四十七

朔小餘一千一百五十七

入月日十二 景初十三

日餘九十七萬三千一十三

朔虛分三百

升分四十九萬四千二十五

度數四十八 景初五十

度餘一百九十九萬一千七百六

土

周率三千五百二十九

日率三千六百五十三

合月數十二

月餘五萬三千八百四十三

合月法六萬七千五十一

日度法二百七萬八千五百七十

朔大餘五十四

朔小五百三十四

入月二十四

日餘十六萬六千二百七十五

朔虛分九百二十三

升分五十一萬一千七百五

度數十二

度餘一百七十三萬三千一百四十八

金

周率九千二十二

日率七千二百一十三

合月數九

月餘十五萬一千二百九十三

合月法十七萬一千四百一十六

日度法五百三十一萬三千九百五十八

朔大餘二十五

朔小餘一千一百二十九

入月日二十七

日餘五萬六千九百五十四

朔虛分三百二十八

升分一百三十萬八千一百九十

度數二百九十二

度餘五萬六千九百五十四

水

周率一萬一千五百六十一

日率一千八百三十四

合月數一

月餘二十一萬一千三百三十一

合月法二十一萬九千六百五十九

日度法六百八十萬九千四百二十九

朔大餘二十九

朔小餘七百七十三

入月日二十八

日餘六百三十一萬九百六十七

朔虛分六百八十四

升分一百六十七萬六千三百四十五

度數五十七

度餘六百四十一萬九百六十七

推五星

置上元盡所求年以周率乘之滿日率得一名積合不盡為合餘以周率除之得一星合往年二合前往年無所得合其年合餘減

周率爲度分金水積合奇爲晨耦爲夕

推星合月

以月數月餘各乘積合滿合月法從月不盡爲月餘以紀月去積月餘爲入紀月副以章閏乘之滿章月得一閏以減入紀月餘以歲中去之命以天正算外合月也其在閏交際以朔御之

推入月日

以通法乘月餘合月法乘朔小餘并以會數約之所得滿日度法得一則星合入月日也不滿爲日餘命以朔算外

推星合度

以周天乘度分滿日度法得一度不盡爲餘命度以午前五起右

求星合

求後合月

以月數加月數以月餘加月餘滿答月法得一月不減滿歲中卽合其年滿去之有閏計焉餘爲後年再滿在後二年金水加晨得夕加夕得晨

求合朔日

以朔大小餘加合月大小餘上成月者又加大餘二十九小餘七百七十三小餘滿日法從大餘命如前

求入月日術

以入月日日餘加合入月日及餘餘滿日度法得一日其前合朔小餘滿其虛分者減一日後小餘滿七百七十三以上者去三十日其餘則後合入月日也

求後度

以度度加度餘加度餘滿日度法得一度

木伏三十二日

三百四十八萬四千六百四十六分

見三百六十六日

伏行五度

二百五十萬九千九百五十六分

見行四十度

除逆退十二度
定行二十八度

火伏百四十三日

九十七萬三千一十三分

現行一百三十六日

伏行一百一十度

四十七萬八千九百九十八分

見行三百二十度

除逆十七度定
行三百三度

土伏三十三日

十六萬六千二百七十二分

見三百三十五日

伏行三度

百七十三萬三千一百四十八分

見行十五度

除逆六度
定行九度

金晨伏東方八十二日

十一萬三千九百八分

見西方

二百四十六日除逆六
度定行二百四十六度

晨伏行百度

十一萬三千九百八分

見東方

日度加西伏
十日退八度

水晨伏三十三日

六百一萬二千五百五分

見西方

三十二日除逆一度定行三十二度

伏行六十五

六百一萬二千五百五分

見東方

五星歷步

以術法伏日度及餘加星合日度餘餘滿日度法得一從今命之如前得星見日及度也以星行分母乘見度餘如日度法得一分不盡半法以上亦得一而日加所行分分滿其母得一度逆順母不同以當行之母乘故分如母而一當行分也留者承前逆則減之伏不盡度經升除分以行母為率分有損益前後相御一作凡

言如盈約滿皆求實之除也去及除之取盡之除也

木晨與日合順伏十六日百七十四萬二千三百二十三分行星二度三百二十三萬四千六百七分而晨見東方在日沒後順疾日行五十八分之十一五十八日行十一度更順逆日行九分五十八日行九度留不行二十五日而旋逆日行七分之一八十四日退十二度復留二十五日而順日行五十八分之九五十八日行九度順疾日行十一分五十八日行十一度在日前夕伏西方十六日百七十四萬二千三百二十三分行星二度三百二十三萬四千六百七分而與日合凡一終三百九十八日三百四十八萬四千六百四十六分行星四十三度二百五十萬九千九百五十六分
火晨與日合伏順七十一日百四十八萬九千八百六十八分行

星五十度百二十四萬二千八百六十分半而晨見東方在日後
順日行二十三分之十四百八十四日行一百一十二度更順遲
日行二十三分之十二九十二日行四十八度留不行十一日旋
逆日行六十二分之十七六十三日退十七度日行十二分九十
二日行四十八度復順疾日行十四分百八十四日行百一十二
度在日前

夕伏西方七十一日百四十八萬九千八百六十八分行星五十
五度百二十四萬二千八百六十分半而與日合凡一終七百七
十九日九十七萬三千一十三分行星四百一十四度四十七萬
八千九十八分

土晨與日合伏順十六日百一十二萬二千四百二十六分半行
星一度百九十九萬五千八百六十四分半而晨見東方在日後
順日行三十五分之三百八十七日半行七度半留不行三十四
日旋逆日行十七分之一百二日退六度復三十四日而順日行
三分八十七日逆行七度半在日前
夕伏西方十六日百一十二萬二千四百二十六分半行星一度
百九十萬五千八百六十四分半而與日合也凡一終三百七十
八日十六萬六千二百七十二分行星十二度百七十三萬三千
一百三十八分

金晨與日合伏逆五日退四度而晨見東方在日後逆日行五分
度之三十日退六度留不行八日旋順遲日行四十六分之三十
三四十六日行三十三度而順疾日行一度九十一分之十五九
十一日行一百六度更順益疾日行一度九十一分之二十二九
十一日行百一十三度在日後

晨伏東方順四十一日五萬六千九百五十四度行星五十度五萬六千九百五十四分而與日合二日五萬六千九百五十四分行星亦如之

金夕與日合伏順四十一日五萬六千九百五十四分行星五十五度五萬九千九百五十四分而夕見西方在日前順疾日行一度九十一分之二十二九十一日行百一十三度更順減疾日行一度十五分九十一日行百六度而順遲日行四十六分之三十三四十六日行三十三度留不行八日旋逆日行五分之三十日退六度而與日合凡再合一終五百八十四日十一萬三千九百八分行星亦如之

水晨與日合伏逆九日退七度而晨見東方在日後更逆疾一日退一度留不行二日旋順遲日行九分之八九日行八度而順疾日行一度四分之一二十日行二十五度在日後

晨伏東方順十六日六百四十一萬九百六十七分而與日合一合五十七日六百四十一萬九百六十七分行星三十二度六百四十一萬九百六十七分行星亦如之

水夕與日合伏順十六日六百四十一萬九百六十七分而夕見西方在日前順疾日行一度四分之一二十日行二十五度而順遲日行九分之八九日行八度留不行二日旋逆一日退一度在

日前

夕伏西方逆遲九日退七度與日合凡再合一終一百一十五日六百一萬二千五百五分行星亦如之

晉書十七 志第七

終

蘇州府志

蘇州府志

卷十七

